



03822



借閱生詞

道光庚子夏五月朔

弟趙之澂拜頌



道者弟子春三錢  
唐振綺堂開





內閣中書小米汪君傳

仁和縣人

吾鄉自杭厲後績學能文有稱於時者  
山舟學士以翰墨名動四裔餘事發  
繼以曜北處素兩先生經史各名家兼通聲韻之  
學其所自出能成梁氏宅相而以著述聞者羣推  
吾友汪君小米焉君名遠孫字久也系出安徽黟  
縣世居縣之宏村十世祖文字公諱元台始遷錢  
塘曾祖容谷公諱寬早世本生曾祖千波公諱憲  
乾隆甲子舉人乙丑進士官刑部陝西司員外郎  
祖仲連公諱璐丙午舉士官太常寺博士父孔皆  
公諱誠甲寅舉士官刑部江西司主事母梁宜人

傳

文莊公會孫女冲泉少司空孫女處素孝廉之女  
也君幼聰穎十歲遭梁宜人喪侍祖父受經能通  
大義嘉慶甲戌入郡庠孔皆公督課嚴命寄居中  
表孫午泉大令家偕午泉攻舉子業夜漏未盡輒  
篝燈起讀如是者二年丙子舉於鄉兩赴計偕循  
例為內閣中書戊寅在京待銓聞父疾歸里是秋  
孔皆公捐館君銜哀風木遂絕意進取而肆力於  
著書先是千波公性耽書插架多善本甲乙編排  
丹黃半所手定吾鄉藏書家若趙氏小山堂吳氏  
瓶花齋杭厲輩所借觀賞鑒者今皆散佚不存惟  
振綺堂所藏歸然具在孔皆公以君之嗜學也病



中指楹書示曰他日以畀汝君著書務爲根柢之  
學排日讀十三經注疏以心得者輯爲考異又以  
抱經堂釋文本尚多譌闕欲爲補正功雖未竟其  
宗尚可概見矣著述之暇與同里耆彥結東軒吟  
社凡爲歲十爲集百蒼萃所作且繪爲圖於湖濱  
起水北樓春秋佳日棲息其中勘經之餘焚香晏  
坐時復登山臨水寄其曠逸之情因自號曰借閒  
漫士吾鄉志乘以南宋咸淳臨安志爲最古君重  
雕以廣其傳他若厲樊榭遼史拾遺東城雜記梁  
處素左通補釋汪選樓三祠志俱次第梓行以及  
亡友詩文代爲校采者更難悉數事繼母姚以順

傳

二

率諸弟以端待戚黨以厚方孔皆公棄養時君年  
甫二十六五弟一妹皆幼友愛備至爲擇姻舊家  
十八年來婚嫁咸畢治家遵祖父遺訓豐約得中  
不染習俗流弊重然諾見事明決與人交以至誠  
貧者感其施饒裕者亦倚以定是非可否易簣之  
日里中士大夫無親疏遠邇皆咨嗟太息且有泣  
下霑襟者娶於梁爲萊子教諭女生子一曾撰女  
五而梁孺人沒篤於伉儷鰥居九載以內顧事冗  
不獲已繼娶於湯爲醴泉茂才女未踰年又以瘵  
沒副室李氏生女一君卒於道光丙申五月八日年  
四十二所著有詩考補遺國語考異發正古注漢

書地里志校勘記借閒生詩詞配梁孺人著有列女傳校注湯孺人著有玉臺畫史半爲君所訂正云

論曰余官京師時卽聞君名癸未歸田得與君締交暨丙申歲星更始矣余齒長於君二十餘歲旣老且病間有所作方謂異時當賴君訂定不圖君之先我辭世也余里中所交友凡通話訓擅詞章者前後無慮數十輩至晨夕晤聚殷嚮往而深知性情者始則汪選樓家禧繼則陳扶雅善最後惟君耳選樓學博而志銳力欲抗衡古人於詩不多作扶雅明易學工古文辭詩詞亦非所長能兼而

傳

三

有之者君也今選樓墓木已拱幸君梓其遺編以行於世扶雅之沒後君祇半載餘所注晉書已垂成君獨未及與爲商榷惜哉君旣承梁氏兩世學此二人亦素爲山舟學士所稱而又皆爲君所推重者志合道同故連類及之嗟乎以君之處境與君之學之才倘得及余年其著述當不讓杭厲何天故靳之俾造詣止於是耶然其所造詣根柢深厚非泛鶩家所能窺測余證其必傳於後無疑也

借閒生詩卷一

錢塘汪遠孫久

人日大雪初霽偕余丈慈柏

錫章

移華

鄂棠

孫雨生

承福

雨珊

曰烈

午泉

曰岸

泛舟湖

上小飲蘇祠讀書堂分韻得日字

壬午

新年百事無雪深不能出柴扉晝常局僵卧屋容  
膝今朝天放晴窗前漏紅日折簡招吟朋攜手人  
剛七扁舟破風來款乃孤山側山上寒梅花株株  
如玉立長隄劃波心盈盈白練匹狂飲興復豪觥  
飛巖酒律振衣登山顛不覺襟袖溼人生塵世間  
所樂惟自得冰雪滌胸懷湖山供偃息媿彼勤學  
人讀書無暇逸

借閒生詩卷一

一

上巳同吳移華周鑑湖

承烈

王羲亭

蘭

袁萬生

灑

井眉叔亞虞我斯兩弟湖上脩禊用梅宛

陵韻

不羨仙郎衣染綠性情嬾似雲歸谷閉戶看書出  
看山人生樂事於此足今年上巳喜新晴湖上景  
光開繪幅相約吟朋出郭來山之厓兮水之曲吾  
儕胸次本清淨何用臨流滌塵俗嚮往孤山嘯傲  
人梅妻鶴子居同族風前幽抱訴不盡絮絮何嫌  
數更僕有願誅茅好結鄰青山問是誰家鷺竹笠  
麻鞵自在身菜根有味甘齋粥醉吸湖光十頃清

卧對牙籤三萬軸自笑烟霞痼疾深還上層嵐豁  
游目

立冬後二日同人集靜寄東軒夜譚聯句卽

送鮑朗如

承燾

之河南

微雨霏塵溼鄂棠東軒客到遲兼旬償夙約承燾  
清話慰將離花向河陽種蘭根從閬苑移板輿忻  
就養遠孫錦邑竝沾慈絳帳春風遠灑青襟舊雨  
睽心期原共許鄂棠位置亦相宜敢憚馳驅瘁承燾  
休言案牘疲此身爲父母蘭所教重書詩救法蒲  
鞭警遠孫推恩葦屋怡政平消雀鼠灑化淑變鳩  
鳴衙鼓穿雲徹鄂棠庭琴問月知祇慙循吏傳承燾

借閒生詩卷一

二

爭柰故人思燈火憐形影蘭風霜感鬢絲萍蹤原  
偶涉遠孫蘭臭莫差池行矣關山隔灑懷哉出處歧  
壯心銷硯鐵鄂棠利器隱囊錐寒漏敲枰夜承燾秋  
崖落葉時我猶艱一飯蘭書月換千瓶性逸梅爲  
伴遠孫心虛竹可師年華駒過隙灑豪宕蟻浮卮刻  
燭雙花翦鄂棠分箋五字攜縱談雄滿座承燾于  
役惜長馳古驛繁鄉夢蘭斜陽讀舊碑跡雖分異  
地遠孫言豈忘相規止水心同潔灑凌雲志不羈材  
良勤鍛鍊鄂棠聲應比壘篋炊黍功名澹承燾焦  
相遇合奇居宜切境原隨變易蘭理早識盈虧酒社  
香山續遠孫風流甫里追歲寒盟不改願以昔賢

期鄂棠

再送朗如

天許安仁奉板輿不教身與列仙居待逢滿縣花  
繁後莫忘家山葉落初我輩胸懷須闊畧儒官經  
濟豈迂疎兩湖他日如歸隱好向秋風共釣魚  
君爲循吏我儒生祇與湖山締舊盟話到功名心  
本澹養成疎拙意能平立身早定棋全局涉世何  
妨酒半醒一事年來常軫結願將絃誦繼家聲

題孫燭溪先生

傳曾

碧山樓第二圖

蚤歲辭薇省山樓好結廬養成無事福贏得等身  
書補竹和雲種移梅帶月鋤此中有真趣不羨武

借閒生詩卷一

三

陵漁

題孫邵庵姑丈

熙元

九徑種花圖

選勝西湖西荒徑闢蓬葆此間足幽棲風雨一廬小  
屋前峙喬松籬邊夾叢篠主人有華癖四面華環  
繞畦分更畛別經濟抒懷抱夜坐香滿衣晨興露  
沾襖策杖時往來空山聽嘯鳥爲破著書功漑灌  
及清曉我來華下飲拌把春瓶倒君家老華翁

海華

姑丈閉關同卻掃

姑丈桐鄉陸費春颿先生

恩洪

別二十年矣癸

未春仲重過武林款宿東軒感舊摠懷賦呈

八律

燕楚三千里江湖二十秋重逢顏半改相對話難休  
絲竹縈新感亭臺數舊游銜杯一回首猶自佩吳  
鉤

入洛聲名盛門多長者車譚經杜武庫賣賦馬相  
如樹幟騷壇上傾囊酒市初才豐偏遇盍眉自曳  
長裾

一官來遠道捧檄度瀟湘志潔清於水心齊肅似  
霜中宵披牘靜餘事種花忙政理輿情洽還畱召  
伯棠

七載黃州任無官愛更深生徒親負米父老慨分  
金講院沾餘澤輶車望再臨劉君勞夢輟歌徧大

江澗

借閒生詩卷一

四

總角追隨日威儀半未諳執經常問字侍膳荷分  
甘瞬覺韶華過空懷老大慙松風還似昔秋水滿  
清潭

嗟我罹艱厄頻年大蔭傾疎才難問世薄植未成  
名課弟搜遺篋娛親話短檠一經徒自守猶恐墜  
家聲

春雨長安道機雲握手歡

丁丑春晤雨  
表仲於原邸

芳蘭看玉茁慈

竹憶霜寒骨肉睽違久音書卻寄難歸來問何日  
沽水路漫漫

時節清明近錫簫唱滿街小樓風雨夜故國別離

懷鬪飲花藏謎聯吟韻賭牌江城逢五月重待款  
松齋

焚虛老人明中南屏放參圖法嗣松光了義乞題

湖山疊翠湖水綠塵市匆匆苦局束剝啄禪扉禮法王  
聽松堂裏重三宿我方弱冠識師顏瘦如孤鶴清如鷗  
竹影參差晨掃徑佛燈明滅夜扃關今日重來交更厚  
一片深情託杯酒畫理南屏有的傳詩才北礪堪爲偶  
殷勤示我放參圖焚虛老僧手自摹長松矗矗入天際  
許大世界容雙趺聞公禪悅精無比曾把聲名動

天子 賜紫歸來日講經棲真息影空山裏有時

曳杖林間來萬籟聞寂身徘徊偶然吟哦衆山響松

借開生詩卷一

五

風謖謖濤聲回可知動靜本一理此時頓悟無生旨  
今化去六十年俯仰光陰一彈指披圖見公肅敬生  
圖中諸老畱姓名阿師屬我綴數語語媿細響徒  
瑩瑩况公梵行難盡寫高風千載傾蓮社幾回翦  
燭欲推敲未及成吟顏軌楮塵雜蹉跎迫歲除滿  
天風雪壓吾廬西湖詩僧挂笠至未曾問訊先索  
逋我讀公詩勢清矯架上有更公遺集三卷禪月風流今已渺阿  
師願力續傳燈蒼髯白髮緇衣老慧日山頭萬嶂  
環何時從師往復還放開眼界了無礙好著閒身  
天地間

東軒石貓聯句 癸未

頑石支離甚思洪無端認轉清迎貓呼欲出鄂棠畫

虎誤休教鋒削全舒爪遠孫紋皴或聚巒黝光容

手撫思洪碧軍恰晴四覆局松高蔭鄂棠掀簾草

亂抓膩紅憐叱撥貓名見天中記遠孫守墨敢咆哮豎耳垣

同屬思洪拏牙穴倘跑苔深蹲仄徑鄂棠花午攫

輕梢那慮無魚歎遠孫奚煩相鼠嘲歸然窺食案

恩洪屹爾護書巢渾樸何年鑿鄂棠蹒跚未忍拋

棱棱徒骨立遠孫嶽嶽且形交饒覺蝸涎溼恩洪眠

忘鵲語吹噴烟鑪鴨暖鄂棠躡影鏡鸞捐不假晶鹽

聘遠孫偏宜石火敲蕭齋畱長物恩洪頭玉亦磽磽鄂棠

大理石屏聯句二首

借閒生詩卷二

六

梅雀

山靈太狡獪遠孫天成匪雕鑿瞥見梅一枝蘭其上

立寒雀鐵豔花怒開鄂棠雲沍影交錯凍羽刷禰

裊思洪老幹挈盤魄天沈月不波遠孫香碎雪可嚼

紙帳幽夢醒蘭孤燈倦眼矍矍冥濛入林霏鄂棠竊映

隔溪行躡梢枯半垂恩洪支巢瘦疑削何年此胚

胎遠孫得氣妙斂敲暈活椒眼驚蘭斑漬苔須著

奇疆橫水坳鄂棠唘研補烟岬足拳夜噤霜恩洪蹟

冷遠藏壑絕勝捉筆摹遠孫誤認投梭躍几簞溢

古春蘭咫尺開虛霏清靄淡彌真鄂棠堅理渾無

罅毋爲擇粒謀恩洪鳩居聊自託遠孫

蘆雁

空庭坐蕭瑟思洪忽地起征雁霜飛萬影枯鄂棠石  
古一羣幻清夢落江天蘭亂雲堆野澗澹著墨幾  
行遠孫密補雪無閒烟中漁唱杳思洪水際沙紋  
綻戰蒲秋欲搖鄂棠蹴絮波如綰或若鷗之縱蘭或  
以魚爲黍或引吭盤旋遠孫或拳頸息宴生機各  
盡態真洪真趣迥非贗痕斂隄生葉埽鄂棠字澀傳  
書漫空明月倒浸蒲剝蝕花平刻汀洲半有無遠孫  
几席頻顧盼似欲圖瀟湘思洪將毋狎菱亂移來燈  
背孤鄂棠寫入琴心慣卽境疎以遠蘭其質堅而縵  
屏山望冥冥遠孫何慮弋人篡思洪

借閒生詩卷一

七

屠琴塢太守

傳

潛園吟社圖

盛代需賢守君偏住故山此才爲世重因病得身  
閒舊畫庭前曝新詩枕上刪平泉歸卧好容我一  
躋攀

清德如君少蕭然屋數椽尊開問字酒囊贖賣文  
錢空院閒調雀斜陽坐聽蟬忘言有真趣獨抱白  
雲眠

味道希夷外游心遂古初理參齊物論功倍活民

書

先生刊潛園集雜錄十  
種勉人爲善有裨世道

生意憐春草餘情種晚蔬隨

緣都自足不厭狎樵漁

花木潛園勝今從尺幅窺竹深風過爽樹密月來

遲文譙聯諸老騷壇冠一時西冷能嗣響儒雅本  
吾師

及積堂

三慶

桐陰覓句圖

科頭小立倚疎桐  
踞徧蒼苔徑數弓  
涼意乍生新雨後  
詩情都在一秋中  
影同雪碎庭篩月  
聲比泉清樹卷風  
四壁蕭閒發長嘯  
更聞孤鶴唳遙空

李西齋

堂

七十二賢峯草堂圖西齋久客袁

江卽以代簡

莫負誅茅約開門  
面翠微竹深人遠俗  
蘆白雁初飛揮灑詩  
盈壁飄零酒漉衣  
西溪讀書處鷗鷺待  
君歸

借閒生詩卷一

八

胡書農學士

敬

諸秋士大令

嘉樂

吳子律教授

衡照

錢蕙完函孝廉

師曾

莊芝階舍人

仲方

孫雨人

學博

同元

集靜寄東軒餞陳扶雅

善

之吳門

欲行還且任黯黯不勝情  
屐屨聯三雅詩書話百  
城感君呼小友媿我負平生  
明日扁舟去差山暮靄橫

半潭秋水一房山觀瀑

急雨排空來雲氣生  
滿屋牆頭叫勃姑  
檐角垂銀竹耳際聲琅琅  
置身况巖谷橫掣練一條亂迸珠  
千斛古壁虬松蟠鱗鬣  
若新沐平生烟霞癖  
結伴窮林麓何必匡廬行  
一壑幽趣足少文好卧游我

亦緬高躅呼童滌蕘鉞試茗聊佐讀

同人集芝階竹軒分韻得飛字

寒玉陰陰幕四圍書堂書靜滌炎威筵開真率形骸畧地占幽偏斜啄稀庭蘚翠深黏客屐池荷紅淺映人衣晚風涼送歸來路指點閒鷗拂水飛

同人集蕙窗先生江月松風草堂分韻得松字

江城幽處徑重重折簡招邀客過從曠世襟期雙蠟屐傳家詩派一枯筇

酒開出脉元錢思復江月松風集

涼生酒國迎秋

爽雨挾烟嵐潑墨濃最愛晚風吹不斷門前環繞萬株松

題顧受笙 均海天風雪卷子

甲申

借閒生詩卷一

九

雪虐風饕日披裘海上來魚龍中夜靜鴻雁一天哀  
放眼蒼茫感柶胸磊落才故人茅屋卧憶爾起銜  
杯

閏七夕詞

天上銀河路渺茫三秋雨度話新涼停梭笑向牛郎說又誤今宵報七襄

年年迢遞作佳期此夕佳期一月時話到前番離別事依然涼雨細如絲

報國院池上

橫河向東去僧院足清幽地闢讀書社

明季關子將張天生馮千秋暨

餘杭三嚴結社於此門連沽酒樓殘荷花颭雨老樹葉鳴秋磅

磻池邊坐忘機羨白鷗

田居二首

幼讀汜勝書隴畝亦云樂先人有薄田數頃正負  
郭東皋勤春耘西疇亟秋穫勞勞終歲閒暇亦理  
花藥漉酒呼鄰叟相與持杯酌官租喜不苛守令  
恤民瘼生爲太平民長可安耕鑿

種豆東籬下豆實何離離晨興摘盈把持以佐新  
炊啜彼同井人懸耜而荒嬉勗女勤四體諒我無  
聞知三冬宿儲罄婦子號寒飢食力豈不足所患  
在失時

許玉年

乃穀

都門言旋信宿理安招同人集松

顛閣分得朗字

甲申

借閒生詩卷一

十

之子遠方歸山中息塵鞅折簡招故人同游慰結  
想山靈我夙親聞之神已往侵曉呼筍輿取路入  
莽倉桂華發幽馨飛泉激清響佳景不厭看浮生  
足俯仰主人待已久相見話疇曩岷峨雲中樓三  
楹屋幽敞嵐翠撲人衣松篁睨書幌杯盤前具陳  
逸議各慨慷數年不見君胸次積塵埃今日從君  
游玉山行朗朗幾疊窗外峯秋容豁千丈

宮僚雅集酒器歌

此國初湯文正諸公同官宮僚時所製  
也以白金作杳杯如梅花形重二十八兩

有奇內鑄諸公姓氏名號爵里於底以量之  
大小分屬焉首湯斌潛庵河南睢州人次  
沈荃繹堂江南華亭人次郭棻快圃直隸  
清苑人次王澤宏昊廬湖廣黃岡人次耿  
介逸庵河南登封人次田喜霽子湄山西  
代州人次張英敦復江南桐城人次李錄  
予山公順天大興人次朱阜卽山浙江山  
陰人次王士禎阮亭山東新城人孫雨人  
表丈出以宴客爲作此詩

黃花滿徑風葉疎主人愛客開郇廚杯盤錯落壹  
獻後忘形相對無牽拘淺斟手把銀鑿落黃流光

借閒生詩卷一

十一

眩搖清曠重約一鈞數累十其形不圓亦不觚梅  
花五出樣精巧雕鏤迴非俗手摹何年製此供雅  
集康熙諸老多通儒文章華 國官 禁近退食

自公日未晡僚友招尋集羣屐 昇平歌詠和笙  
竿睢陽文正稱大戶吸盡一石何須扶漁陽山人擅

風雅飲三蕉葉如髯蘇其餘諸公序以次酒不及

亂量不踰百年文獻孰呵護君家世守同璠璣先

德侍御

頤谷先生

東南望嘉賓投轄無時無前杭後梁

兩勅敵以一合十

傾醍醐

董浦諫庵兩先生皆善飲能盡一套

吾祖昔亦

與清讌紀以詩篇愛弗渝老輩風流不可作追思  
往事徒嗟吁叔然醉經不醉酒玉杯一帙追江都

賤子問字獲陪侍摩抄歎絕手自斟羽觴翠學安  
足貴此杯乃與名山俱引滿一爵爲君壽坐客皆  
醉忘酣呼

### 火澣布

水懦弱易狎火烈性難緩以布投之火一膊炭亦熾  
淮南子一膊炭  
熾投之則爛指何來此奇質厥名曰火澣我聞古南荒山

中烈燄滿有鼠重千斤毛如絲可纂東方記神異  
當時睹亦罕又聞諸簿圖大洲列火織有樹生其  
中熏灼皮不剗紡績勞女紅青黑色相羸世人未  
目驗那識殊方產無怪魏文帝典論斥其誕莊君  
今通儒博物證蚪簡前年蜀中游匹馬走劍棧尺

### 借閒生詩卷二

十一

幅偶持示坐客競覘鬻毳細軟於綿質潔白如叛  
珠類玉有瑕熬之若新盥具此不壞身塵垢何由  
瘡物性本不齊物理誠難算同人鬪新詠琳瑯俄  
滿眼詩成罰奚辭敢依金谷限

仲冬十五日餞許玉年梁晉竹表兄紹壬於孤

山巢居閣玉年以冬心先生天寒欲雪水際  
小樓臺詞意寫孤山話別圖分韻得臺字

補種湖濱百樹梅相攜朋輩此徘徊山因欲雪雲  
容斂酒到微酣別思催老筆荆關參畫理多情溫  
李鬪詩才公車珍重長安去轉眼行登視草臺

乙酉春社日雨泛舟湖上

一月未得三日晴湖頭深水波盈盈畫船撐入明鏡裏  
裏仰看青天近如咫桑柘含烟柳吐芽山坳猶有  
山梅花梅花萬株香暗度纖塵不到逋仙墓同游  
盡是素心人少長以齒無主賓喚取奚奴撥春甕  
醉後高歌驚鶴夢雨歇嵐開漏夕暉蓂蓂社鼓催  
人歸尊前最惜陳無已後約叮嚀願莫違扶雅大有魏塘之行

因以言別

### 殘梅

開徧南枝與北枝連朝風雨最相思夢回香海初  
闌後妝倦羅屏半卸時春老未應妨傲骨寒深猶  
自惜芳姿滿湖疎影游人散玉笛聲中醉一卮

### 借閒生詩卷一

十三

花朝書農學士招集樊桐館學士有詩卽次  
其韻

棣萼樓開院落明和風習習酒邊生侵階苔滑停  
朝雨繞徑花濃帶午晴入社喜同司馬約披圖初  
識惠連名席開出池塘春草圖索題潭忘此日春過半聽取流鶯

喚幾聲

題靜芳伯姊菊孫眠琴綠陰圖

四圍涼翠帶輕烟庭院惺惺薄暝天響斷飛鴻絃  
外趣香浮胡蝶夢中仙幾多秋思偏閒適如此幽  
居稱靜便我是中年謝安石怕聞絲竹夜無眠

朱碧山銀槎歌并引

故某氏家物質長生庫中久矣魏倉伯彭  
攜以見示證之竹垞樊榭所見輕重款識均  
不合雕鏤玲瓏古色晻曖非俗工所能規仿  
意當日製此非一故流傳互異與把玩數日  
媵以詩而歸之用曝書亭孫少宰席上賦  
韻

扣門者誰魏伯子數日不見歡開顏鄭重示我銀

鑿落道是其值索百緩舟虛利涉易垂象北海舊

注惜已刪鄭氏易注如今自空大木為之曰虛見詩谷風疏此杯約畧仿其制碧山

名字鐫磷斑枝柯刊盡狀臃腫剝蝕乃如雙鬢鬪

有客尋源踞其上千里百里灣復灣乘槎事本出

借閒生詩卷一

十四

稗野河渚未必逢仙鬢良工造此別有意挹酒欲

勞斗柄彎流傳四百八十載不隨羽化飛翩翩古歡

主人適招飲花前為壽歌南山書農學士招集古歡書屋視百花生日

吸欲盡明河水醉倒不櫻世網艱天風颯颯襟帶

動宛若放舸滄浪聞文人姓氏足千古追蹤虞揭

才難攀元時虞伯生揭曼頭各令碧山製槎為壽見苑西集浙西昔有朱竹垞與李秋

賦詩日下傳人寰玲瓏山館亦藏奔幾時雁向南

天還樊榭集中銀槎詩為揚州馬秋王賦摩抄款識字偶異敢云贗鼎

同荆管我聞銀槎昔有二願得合如比目鰈韓詩外傳東海

之魚名曰鰈羽觴翠學安足數鸕鷀鸚鵡非其班爾

時唐謝竝傑出松江唐俊卿平江謝君餘君和皆浙西銀工之精於手藝者見較耕錄此老何

幸名獨爛太息顯晦有定數引杯且閉劉伶關

送嚴鷗盟先生杰入粵

元亭問字甫經年聞唱驪駒意緒牽  
練習史材崔慰祖專精選學李崇賢  
喜從病起身逾健未送君行別轉先

先生行期甫戒余有松江之行先往話別

見說將軍重揖客官齋聽鼓足高眠

題沈聽篁同年鏐彪臺花吟卷子并引

聽篁曾侍其尊人眉峯先生守臺灣臺中  
物候較早除夕羣花齊放聽篁賦臺花吟  
一篇並寫為圖徵同人作詩

大丈夫當萬里跨海市戲喚蛟龍任驅使不然身

借閒生詩卷一

五

騎白鶴凌蒼穹看花直上蓬萊宮胡為半生伏戶  
牖嗜癖栽花向五畝沈侯為話少年游披大荒經  
得未有開篋示我新圖工誰其作者江文通石紛  
綸衆卉鬪腕底照耀萊綵生香風高堂清福真豈  
匹領郡臺陽政安謐鱸鯢不吼五穀登赤嵌城中  
娛愛日今夕何夕歲已闌千紅萬紫紛作團其花  
一十又三種春有梅桃秋有蘭就中佛桑更希見  
自昔曾名紅照殿休誇作狀續嵇含都教寫入鶯  
溪絹海國歸帆三十春紅顏公子白髮新攜圖索詩  
介眉壽願祝親年比大椿

丙戌春分後十日書農學士招集古歡書屋

看梅花

先生有仙骨未老卧茅茨  
庭際兩梅樹天寒花較  
遲開軒集吟侶選石共題詩  
不羨羅浮夢低徊月上時

子律招集蔡木龕焜城北隱居分得有字卽題  
木龕圖後

世人競智巧翁獨以拙守  
世人趨紛華翁獨與靜  
偶結廬城北隅從橫才半畝  
閣繞杜陵花門栽彭  
澤柳翠雲一徑深高樹蔭戶牖  
我偕季重過延佇  
不覺久素心三兩人不速來  
先後翁迎入門笑共覆  
杯中酒酒酣論益洽願結忘  
年友我翁意致閒鼓  
琴還扣岳近仁契孔語哀樸宗  
李叟緬觀木龕圖  
天真此翁有

借閒生詩卷一

十六

擬高常侍還山吟送沈四山人

天高木脫秋容孱山人倦游歸故山  
裁雲作衣風作御腰脚老健窮躋攀  
遇合非所期富貴安足數  
高卧山中百不聞起看白鶴蹁躚舞  
閒過鄰叟話桑麻相對須眉皆太古  
酒酣晞髮向青天明月與人相周旋  
俯視塵世悠悠者在山泉勝出山泉

送雨人表文之永嘉學博任卽題其春江話  
別圖後

楊柳春風吹送君江上去臨別情依依欲行還暫

駐夫子叔然喬譚經絕皮傳汲冢證陸士遺學則輯

箋疏

丈校逸周書最精又譚弟子職  
注學則二六見弟子職篇首

西湖講堂開通儒集廚

顧彭祖疑誼明

厚民先生

叔重無雙譽

周生先生

君時廁其間

鼎足各雄踞名成益媚學矻矻窮年屢賤子魯鈍

安麤知守章句深情善汲引沙磔藉陶鑄昔歲上

春官共走燕山路驛樹雅影寒茅店雞聲曙教誨

與飲食殷勤相告語嗟余十年來子立憐孤露父

書未卒讀恐遭蠹魚蠹性拙百不宜閉門守故步

出入長者間頗幸不錯忤月前萃風雅末席容參

預問字情更親一月常一晤忽聞歌驪駒憂思縈寐

寤先期戒賓朋飲餞潔治具酒間出新圖坐客競

借閒生詩卷一

十七

先賦永嘉好山水名賢共洄溯博士冷頭銜衙齋  
鮮急務岩窳孤嶼亭暇日恣遊豫甌江雙鯉魚可  
以通尺素悠悠離索情兩地終難訴行當挂帆來  
就君十日住

### 錢武肅王鐵幢歌

蛟鼉怒挾銀山吼百雉江城幾不守錢王射潮鐵箭  
飛箭頭迅逐潮頭走箭所止處還樹幢譌幢作箭  
傳聞厖當年賦鐵事鼓鑄燭龍銜火夸娥扛剗地  
千年屹不動白馬餘威氣爲聳迄今霸蹟久銷沈  
萬戶耕犁開麥隴近聞黃河水勢高漕船飛輓千  
夫勞築隄何日得奠定沙中覆釜安波濤

春秋宮詞十二首

天家中使敕求昏選得妍娥儷至尊  
娣從如雲猶在路齊環先已拜新恩

周

郊垆春暖駐鸞旂  
芹藻馨香擷水湄  
校射歸來娛壽母  
筵前齊唱閔宮詩

魯

執逼青齊妾媵驕  
抗輶擗幹恨潛消  
翻教玉女傷蕉萃  
冷落西宮泣細腰

昨日臨淄逆女回  
內官傳敕御筵開  
少齊玉貌渾難似  
新有犧尊帶得來

晉

王肅毛詩注大和中魯郡於地中得齊大夫子尾送女器有犧尊見

疏 閔宮

報說荆尸振旅旋  
小君翟第到軍前  
隨行還有雙

借問生詩卷一

六

嬌女髻髮甃甃正及肩

鄭

新荷君恩賜副笄  
綠雲添覆髻髮低  
後宮那曉人

閒怨笑說戎州已氏妻

衛

貴主韶年色致佳  
相攸心事卜金釵  
頗聞選得東

阿宰宮妾傳來事不諧

齊

遠嫁南邦悵若何  
瀕行嬾待埽雙蛾  
憐他宛轉牽

衣別翻較牛山涕更多

密語帷中日幾回  
易儲謀洩起疑猜  
寵姬赴宴青

宮去已爲熊蹯速禍來

楚江羊史記以爲成王妾

三百蛾眉望幸時  
魚軒停向夕陽遲  
那知還有遺

珠在婉孌偏嗟季女飢

曹事見史記晉世家

昔日微聞二國求託詞傅母尚含羞廬漕果仗齊  
邦力空望淇泉淚暗流

許

嫡女殷勤託大夫親教咳姓入句吳未知鹿走姑  
蘇日可有安車載得無

越

丁亥八月十四日蕙窗先生招集王氏湖樓分

韻得雨字

明湖開文讌連宵急秋雨朝聞檐鵲鳴喜氣溢眉  
宇籃輿出郭來朋簪已先聚盪舟怯風尖選勝湖  
之漪殘荷半搖落餘姿猶媚嫵巖桂雖未花微馨  
苞已吐層樓高不局空曠有如許湖光一望收嵐  
翠接牖戶入坐揖羣峯峯峯首齊俯張公神仙流

借閒生詩卷一

十九

清談揮玉塵

仲雅先生

羣雅各天真論議皆肺腑主人

飲最豪飛觥難悉數客醉已欲去餘勇尚可賈城  
頭催畫角桺邊歇歸艫把酒向我言明朝月三五  
來作長夜遊醉看馮夷舞

詠中秋故事分得姮娥怨

昨宵月輪明美人獨下瑤階行今宵月輪晦美人  
獨坐銀鐙背月明月晦愁一般桂花露溼紅闌干  
闌干溼姮娥泣瓊樓夜靜愁雲繁四壁寒蜚聽淒  
急

戊子立夏前一日同人集靈隱山莊次黃鄉泉

先生士珣韻

萬松疎翠儘高哦喜盍朋簪載酒過竹外笙簧禽  
語碎峯邊琴筑澗聲和春闌漸覺客遊少地美偏  
教僧占多準擬讀書秋靄裏好將餘日補蹉跎

荒莊拓得數弓偏此日欣開櫻筍筵翰墨因緣追

澹社華嚴世界證枯禪

葉文壽庵精禪悅嘗言華嚴世界即心也

愛嘗清味

烹莼滑欲解微醒試茗鮮長觸舊游歸路杳梵鐘

催起暮山烟

甲申春陪外舅憶雲先生余丈慈柏讌集於此

### 飛來峯觀清涼居士翠微亭題名

三字獄成岳王死韓王雖在事已矣不騎生馬騎  
蹇驢老向西湖作居士東南佳秀靈鷲開特地一  
峯峯飛來山半築亭恣登眺名曰翠微資雅材感

### 借開生詩卷一

二

舊思將歲月識十指戰餘僅全四命男彥直摩厓  
書流傳鐵畫銀鉤字吁嗟南渡多英雄一死一生心  
事同趙家無復有尺土四十八字撐青空我來剔蘚  
讀一過想見威名敵膽破笑殺劉郎文墨疎侍兒  
代筆胭脂沲

嚴州烏石寺有岳武穆張魏公劉安成題名劉不能書令侍兒意真代書姜堯章題詩云劉郎可是疎

文墨幾點胭脂沲綠苔見鶴林玉露

### 夏蔬四詠

茄

茄本芙蕖莖何時名轉換種之舍傍畦葉罅罅累  
貫摘取滿筠籃紫色璀璨兒童捉蟬蝶嬉戲荒  
塍畔

徐熙有蟬蝶茄菜圖

一笑灌園翁營嫁忙詰旦

瓠

幽詩紀物候八月壺乃斷肥白笑孰如弗問項長  
短幡幡葉可烹佐飲話情款去毛而爛蒸救廚語  
嫌誕堅卧不欲起吾且學其嬾爾雅釋詁疏說文云  
嬾也草木皆自豎立惟  
瓜瓠之屬卧而不起  
似若嬾人常卧室

鞭筍

吾鄉筍味美四時足餉客貓頭市已闌以鞭補其  
隙梅雨淡旬肥怒指地欲墮入廚取節焉攲攲訝  
何白配不須花豬嗜此幾成癖

茭白

蘧蔬證方音嘉名肇爾雅菰米盛長安南人識者

借閒生詩卷一

三

寡言但劔其根如臂恰堪把本草一名菰手唐本注  
云以其似小兒臂也截肪

滑且甘味不在筍下亭亭江上船秋風獨心寫

次閨秀陳坤維手題元人百家詩韻詩在方雲  
泉騰處

寂寞閨心一卷知臨池親寫勝書詩窗前風雨牽蘿  
恨貧裏光陰輟筆悲破甑生塵空性巧殘編惜別  
最情癡百年遺墨流傳在幾度重陽遇閨時紙尾識  
時丁巳

又九月九日

太鶴洞天石歌為端木子彝國朝賦

端木子彝廣文於歸安學署庭下得一卷

石黑而津無雕琢而畧具圻鄂命之曰太

鶴洞天石太鶴山在青田端木青田人蓋

卽其鄉之山以名其石也

大鶴先生清且臞冷官十載吳興居故鄉枯蒼本  
名勝夢魂常向家山驅打頭屋下何所有階石縱  
橫積半畝瞥見一卷露圻鄂其質彌堅其色黝先  
生得之非偶然土花拭淨生雲烟隱約龍文具鱗  
鬣不假人力施雕鐫恐是通靈化飛鳥鑿破陰厓  
題字小殷勤特錫故山名持以示人意難曉或言謝  
公登石門元鶴洞天遺跡存先生笠屐所常到卧  
游對此可以忘朝昏或言葉法善青溪一隻鶴洞  
門深鎖溪雲寒點易亭中娛著作先生亦精河洛  
理置之几案聊以當邱壑先生聞言笑不謔世人  
玩物吾所懲看山著書適興耳何必區區片石爲  
依憑我聞斯言發深喟先生胸次無纖芥雪浪奇  
礪何足云笑人徒下襄陽拜

鐵冶嶺楊廉夫讀書處

滄桑閱盡事休論一老湖山浪跡存鐵遂扁舟飛  
逸興布衣禮館拜新恩傳來樂府增詩派想到歌  
筵賸酒痕嶺上蕭蕭霜葉落經過重與弔羈魂

歲暮雜詩四首

一冬晴暖候疑差侵曉濃雲點墨雅儂比田家心  
倍切要儲雪水試新茶

及郎新自桂林回命侶湖山潑綠醅我是維摩偏

示疾爭教梅鶴笑人來

積堂有孤山探梅之約以疾不赴

獸炭頻添向藥鑪薰香悶損肺還無何人點筆能

工畫倩寫寒閨病趣圖

時婦方病

高堂分歲笑言溫共醉屠蘇酒一尊餞臘迎春都過了焚香獨自祭長恩

張仲雅先生

雲城

輓詩

從此湖山失主盟先生騎鶴返瑤京十年宦績畱遺愛一代文章負盛名座末叨陪情款洽樽前相憶淚縱橫幾時收拾叢殘藁選理由來最熟精

先生

有選學膠言若干卷未刻

分龍雨歌五月二十九日芝階席上作

借閒生詩卷一

三五

五月梅肥催雨急雲氣淋漓浸衣溼腥風吹落几席間此水定從江海吸二十分龍在人口占驗還聞二十九仗汝天邊作霖雨吾曹無事但飲酒今茲歲首逢九龍小大蜿蜒紛相從須臾各自抱珠睡斜陽倒挂青芙蓉龍乎龍乎與汝約閒日一雨樂莫樂勿便朝朝曬汝衣農夫斛水忙雙腳

六月四日書農學士招集古歡書屋西齋有詩卽用其韻

深深槐竹蔭虛堂消夏閒開北海觴綺語裁雲愁

負債

席上飛字戲用詞曲語

清談霏雪喜生涼酒難竟斷扶頭

醉書縱常看過眼忘慙愧武平

胡文恭宿

偏老健筆端猶

自有光芒

美婢換書詠明華亭朱大韶事

書帶草當階生化作將離贈妾行  
郎君愛書入骨髓坐令賤妾悲  
流水君之視妾又何輕殘編斷簡  
隨飄零妾去書來君莫悔書冊長  
存妾顏改讀書一卷酒一卮記取  
添香夜半時

秋日田園雜興

西風著意做成秋景物田家晝裏  
收拾椽山童偷捕雀采菱溪女故  
驚鷗半棚瓜蔓霜邊屋萬頃蘆花  
雪裏舟此際何人識幽興自攜鐵  
篋發清謳

借閒生詩卷一

五

儂家生小住西湖眼底秋懷百不  
如蝶冷已無前度夢雁來絕少故  
人書荷因聽雨還留葉竹可通泉  
自灌蔬最好蟹肥新釀熟閒邀鄰  
叟話樵漁

十月九日周南卿

三變

招集章文簡公園亭展

重陽分和前明顧東橋菊讌詩卷韻得蔡孔

目羽二首

嬾更登高去名園愛近城軒窗臨曲水籬落綻秋  
英止酒腸愁澀余病後不能飲看花眼覺明未須風雨驟懷

古不勝情

緬昔東橋叟常盈北海觴簪裾集羣彥翰墨有餘  
香祇媿濡豪和何嫌落帽狂秋林飛鶴到憶爾思

方長

端木鶴田道  
至遂與於會

冬至前二日書農學士招飲鬼子酒翌日嚴  
丈鷗盟以二瓶見餉賦謝四十韻立簡學士

吟社歲市五銷寒圖啟九學士玉堂仙愛詩兼愛  
酒品酒如品泉一勺別旨否越女貌如花佳名豈虛

負

是日先飲  
女兒酒

普騰盡酖顏縱橫猶戰拇少選命更酌

房中雜奔走平頭挈瓶來晃漾紺而黝光遙射客  
衣涎已流吾口色映翠鳳皇彩奪紅鸚母香比醇  
釀酷味較葡萄厚嶺南客所遺泰西製不苟法異  
麴醞釀質匪秫糝波瓊漿芡根煎玉瓢椰子刮滴  
以沈檀槽貯之瑠璃甌鬼奴助燂薪倭女笑獻鏗

借閒生詩卷一

五

勸客意殷勤彈指語譁鉅

鬼子婦女以玻璃盃酌酒獻客  
客飲訖以指叩盃作聲為樂

易裝估舶稠載集沙壠旣旣次紛陳寶幪輸雜蹂  
海島諸番中和蘭通最後蠶目深作坳鬘髮細分  
綰頰偉骨專車拳捷跡同凡其餘種類繁悉比形  
貌醜重洋驚湍奔十屜翼塵湫遠物固不貴風味  
亦足取我生歎望洋跼踏慙伏牖未食海上桃但  
飽園中韭非分幸獲叨爛醉不覺粗華筵燭見跋  
歸路巷巡椒賭韻謝題餠

席上和道古堂鬼  
子餠韻余愧不能

數曲窘見

肘巖子今孝先腹笥無不有昨自百粵歸別已五

年久珍重餉雙瓶斟酌盈一斗封裏綿兜羅籤題

字蚪蚪哪時語費猜利哥名共扣

那時利哥  
皆其酒名尚帶海

氣醒定是佛水滄甘者柔如飴酢者醲於醜圍鑪  
飲犯卯乞漿占在酉異味不期并嘉惠無功受喜  
驗指頻動不惜肝欲嘔作歌貽兩君報媿乏瓊玖

借閒生詩卷一

五

借閒生詩卷二

錢塘汪遠孫久也

題嚴丈鷗盟

杰

書福樓勘書圖用簡松老人

題余松聲池館勘書圖韻四首

讀書有二病古人不我欺其失在不校魚豕疑傳  
疑或因校致誤肥改塗多歧聲轉柳爲昧文省鍊  
成夷聲音與文字古義多在茲卽此通乎彼悟禮  
可言詩作僞自王肅造奇始庾持

見南史庾道愨傳

一遇明

眼人紛紛徒爾爲觥觥嚴夫子治經覃精思垂老

不冒休那顧人笑癡

百事不挂眼兩肘案常據有時拈一義疑者豁然悟

借閒生詩卷二

一

前人皮傳言未免太癡癖湖濬開講舍勘經朝夕  
與插架十三經二目皆寓衆人苦繁重君獨得其  
趣餘事及文選何

義門

陳

少章

盡沿誤善注彛五臣塵

言撥雲霧始令詞賦家不敢鄙章句

賤子亦耽此藉消閒歲月固羅到叢殘欲補釋文  
闕池館繪作圖松聲散林樾君特爲序之文章勢  
奇兀送君游嶺南征塗戒過發五載駒馳短夢  
驚鷗突心情日積喪懶更事矻矻遂致硯生塵忘  
卻籤書揭庭樹秋風摧砌苔秋雨汨君歸來款關  
定應憐瘦骨

喜君遠方歸問字門復踵靈光長歸然天庇讀書

種囊無陸賈金壓擔牙籤重胸有萬卷羅身但一  
檀擁小樓鎮日扁力謝人事穴此福豈易消青山  
四圍拱長松三五株鱗甲生擁腫誦書聲琅琅稚  
子一何勇憐余豚犬兒嬉戲太愚懂放翁詩稚子勇過我  
琅琅誦易聲先生字

才七齡長余子一歲先  
生課以爾雅上口成誦

情深語不文擱筆肩徒聳

庚寅人日薊泉先生招同人集蔡氏隱居用

昌黎人日城南登高韻

岸柳春未回庭梅芳已弄晨霽窗浮暘候暖硯解  
凍志動與俗違幸不為世用喜君開吟讌許我廁  
賓從徑仄竹木深趣逸魚鳥共生涯萬卷託日月  
一杯送心情水泛鳧世慮田去葑興酣酒不辭交  
洽論忘縱聊且取閒適何旨逐倥傯人各有至樂  
語君足珍重

借閒生詩卷二

二

蒙泉外史雲林圖次自題韻

此外史為胡葑塘先生作也先生持贈友  
人遂落市上屠君琴塢得之以歸書農學  
士酒座出觀屬賦還畫詩紀其事

詩畫本一理有聲與無聲鐵翁性崛奇落筆山靈  
驚偶然作小景寫出禪房清五言亦佳絕豈獨以  
畫鳴諸老各和之紙尾畱姓名劍失感物幻珠還  
高友情君念手澤存涕泗揮縱橫卽此悟得失可  
以休浮生

集書農學士古歡書屋看梅分韻得黃字

纔經三日轉韶光十一立春催放南枝向畫堂故宋城隅

居不俗新正天氣晝初長幾傳得地蟠根厚滿座

生春撲筆香鼎鼐尚遲調五味林泉且自領羣芳

山中孤躅懷前夢屏底雙鬟鬪曉妝竹屋故應教

鶴守苔階也復任蜂忙落英拂席風穿牖疎影窺

簾月上廊矜捷詩壇先樹幟是日學士詩先成分曹酒國儼

殊疆才如公等原稱雋飲到吾儕亦算狂冒戀江

湖閒最好只談文史縱何妨無端身世浮雲幻有

數知交宿草傷曾與子律於此看梅聊更與君堅後約辛夷花

白柳梢黃香山句

借閒生詩卷二

三

上巳雨中偕鷗盟丈馮柳東登府孫花海邵

庵兩姑丈孫雲壑我斯弟水北樓禊飲卽送

柳東之四明教授任

柳外連朝叫鶉鴣樓頭坐聽雨聲麤關心屢問花

開謝對面不知山有無節序祇今流水逝情懷似

我嬾雲俱匆匆便送征帆去閒殺橋邊賣酒壚

南宋四潛邸詩

佑聖觀阜陵

天教明兩兆初封孝宗封普安郡王日者曰普乃竝日字明兩作離之象始天授也興禮坊

前邸第崇德毓丁年三世合揚誠齋詩天意分明昌火德誕辰三世總丁年蓋高宗生丁亥銳思恢復臣

孝宗生丁未光宗生丁卯也祥開甲觀一家隆寧宗生於此時為恭邸

難副每待光堯必陳恢復計光堯曰大哥俟老者百歲後爾卻密折姦

回聖自聰秦檜疾篤其家謀以子熿代相密破其姦南渡至今留傑構鶴飛

雲斷帳西風棲鶴軒夢雲樓皆元時觀中扁

開元宮茂陵

御批擬進已黃袍慈福親將廟算操憲聖居慈福宮常面二

屏欽舊學寧宗用二小黃明及二小屏書成曰少飲酒怕吐少食生

忘偏慳一鉞賞微勞寧宗受禪韓侂胄所望不過節鉞趙忠定不

壇一鉞底須墜坐殿增闕伯明禮肅殿右別建闕址拓宗司棟

字高紹定間徙大宗正司於他所悉以其地為宮何事紅羊頻換劫清湖橋畔

又蓬蒿元至正開宮燬徙建清湖橋西今亦成廢院矣

龍翔宮穆陵

借開生詩卷二

柑子團經中瓦過柑子團在後市街頓驚宮殿鬱嵯峩姪緣

嗣叔階先晉理宗初嗣沂王補秉義郎弟忽踰兄理則那寧宗本立貴和為皇太子

疾篤史彌遠萬姓神瞻烏太保保臨朝坐鞏端嚴若神一時

餒煽董閻羅巨藩董宗臣招權納賄無所不至日為董閻羅蕭齋妙筆披圖見九

里松風柰爾何理宗豫郭蕭齋寫在集慶寺

宗陽宮紹陵

三聖橋東水勢回春光別是一家開亭名別是一家春度宗初非佳識也

建堂翊善常參講初封永嘉郡王以蔡抗兼翊善時直閣昭

儀雅擅才在東宮以四夫人直書閣昭儀王秋兒能屬文尤親幸慧業前生阿育塔慶

府阿育王寺舍利塔雍熙間議重脩一行童印塔影誦榮即開疏蒙元

題一千緡童歸斷臂死度宗生日夕號乳母抱行廊廡見所黏塔影怒

大笑王始悟所題疏未向卜本寺問故童死勝遊異日老君臺元

仲宏張光弼有宗陽宮老君臺玩月詩  
咸淳辛未芝生殿之右楹本  
宮圖以進至己卯而宋亡矣

吳仲耘太守

振越

以文登石見遺賦詩謝之

庚寅

積雨平池水幾竿重勞遣使贈明珩光圓細劖雲  
根碎采錯新脩月魄寒君本有文吞自昔石還如  
友取能端觀書恐我雙眸倦教種昌蒲靜坐看

檀麩十六韻

名枕稽爾雅佳製食單添秋實爭先采霜痕飽盡  
沾張原同火織落不藉紅鹽彩稱朱繩貫輕分素  
手拈珠胎圓莫比蟲孔擇尤嚴霏雪勻和鐵蒸霞  
淨漑鶯凝脂淘已冷鑽核棄何嫌紫擣泥千杵紅  
嵌玉一匱鏤花矜樣巧綴果借酥黏膚去惟存液  
酸雷總帶甜晶瑩疑甚煮風味配橙醃欲潤詩腸  
澀能欺酒力尖何勞僮父饋偏許老饕厭棗栗酥  
難竝桃梅酢可兼登筵增焜燿數典窘擗擗題罷  
慙居殿空教斷撚髯

題湯雨生參戎

貽汾懷僧圖

晉陵都尉擅風流到處詩僧共唱酬半世功名輕  
似雪一龕燈火冷於秋談禪高會圖遵勗怨別新  
吟擬惠休若使降龍無鐵盃珊瑚能在網中不丑丁

先生壞舟離江此  
卷曾沈於水故云

春愁

花戶油窗屋似舟，兒家居近弄珠樓。小姑只合青溪住，神女偏來漢上游。蹤跡已隨萍葉泛，腰支恰稱柳條柔。自從識得愁滋味，纔畫春山便惹愁。說是前身夢綠華，雙眉寫翠鬢堆鴉。繡書解識相思字，學繡羞成竝蒂花。倚枕漫憐春過半，卷簾又見月初斜。燒殘香篆心還結，愁向鐙前整臂紗。

蕙窗先生桐槐舊館圖

五里塘南路，翛然自一村。扁舟人影散，老屋樹陰繁。舊隱閒漁浦，新圖傲鹿門。酒邊回憶處，相與話黃昏。

移家江上任，彈指廿年過。濤白連雲閣，山青著樹何。多故人感風雨心事，託烟波花木庭前好扶疎。又若

借閒生詩卷二

六

灌縣繩橋詩

橋爲吳丈秋漁宦蜀時所建，有詩載小羅浮山館集中。辛卯春日，令似仲耘太守招飲，出先集邀同人作詩，卽次原韻。

一聲霹靂飛白虹，五丁曳之懸蒼霍。岷江到此一都會，津梁欲設難爲功。斯橋制詳石湖錄，十二繩廣百丈。縱過者汗沾兩股，慄眩轉直欲迷西東。橋廢舟從白石渡，一溺百身飽蛟龍。先生慨然思復古，以笮代石鳩羣工量功。命日不愆，素索絢載版紛相從。

橋成先生履其上視險如夷心弗忡染家涼帛漁  
踪網除卻此語難形容擔簦疾走勿卻步迅若泛  
船下急瀧濤聲耳畔震雷鼓浪花腳底生天風身  
達彼岸一回顧行人如鳥飛虛空李冰守蜀造橋  
七斯橋利民將毋同有其舉之莫敢廢見利不興  
真愚憧大吏高卧不理事長日一枰消感戎見資  
生不愧民父母政成宴坐黃花叢先生性斯橋不壞  
名不朽豐功可與銘鼎鐘讀公遺詩緬遺愛伏龍  
祠畔謳歌中

洪武船符

黃麻織成高九寸長尺八寸雲龍爲闌前織

借閒生詩卷二

七

皇帝聖旨公差人員經過驛分持此符驗  
方許應付船隻如無此符擅便給驛各驛  
官吏不行執法循情應付者俱各治以重  
罪宜令進此中織一船張帆而行後織洪  
武二十六年月日上蓋制誥之寶其旁墨  
書信字貳伯叁拾玖號按大明會典洪武  
二十六年定凡在內公差係軍情重務及  
奉旨差遣給驛者赴內府關領符驗其給  
發各王府及各省都司布政司有十道六  
道五道不等如有軍務以多槩快船飛報  
自嘉靖三十七年改設內外勘合符驗遂

不復用明史輿服志言其制上織船馬之狀起馬者用馬字號起船者用水字號起雙馬達字號起單馬通字號起站船信字號則此起站船符驗也今爲湯雨生參戎所藏徵同人作詩

雲螭尺幅四圍蟠璽印芝泥壓尾丹行澤用如龍製節渡河呼到兕名官

蒼兕王舟楫官名見史記集解

織成舟楫符堪

驗額定丁夫力豈殫太息後來輕改易紛紛駕帖出長安

周號叔大林鐘歌爲嘉興張叔未解元

廷濟作

清儀主人茂先喬長眉秀目頎而髯平生嗜古有

借閒生詩卷三

八

奇癖吉金貞石紛牙籤近得一鐘更奇古土花繡成五色兼兩藥準以建初尺尺有七寸奇還添其上銘文九十字何止一字值一縑鉦閒四行鼓左六讀之百過口尚箝君家宅相通篆籀識比錯鉉尤精嚴云是西周號叔製厥名曰旅文可覘皇考惠叔神所格想見俎豆羅堂廉得純祚拊字從省天保詩義證可拈旅古通呂有長義稚讓故訓堪旁擗長父伐淮竹書紀斷爲一人羣議僉聲中林鍾稱衆聚大宮細羽均洪纖汀州

伊揚州

阮各藏弄釋文异喙

徒詒詒物聚所好果不謬君更得一心情欣昨歲訪君新篁里門臨秋水環蒼蒹入室古香四座溢惜

哉未遑一夕淹拓此一本持贈我譬以錦段遺窮閭  
張之壁間日尋繹一言莫贊詞非謙作歌聊以報  
君惠歌成雪花吹滿檐

宋茗香先生

大樽遺照

康樂遊山屐淵明漉酒巾疎狂發高詠嘯傲任天  
真白眼看餘子青蓮有替人言尋舊隱處棲水碧  
粼粼

叔未先生屬題隋清娛帖

會侍龍門捧硯勤傷心編素抱遺文招魂少華山  
頭去飛上前峯化作雲

褚公書格擅初唐一卷銘辭搨硬黃自是蘭亭傳

滴髓不爭大令十三行

歲歉感懷

哀鴻中野昨經過霖潦連旬又損禾一錢江河隄盡

溢四時甲子雨偏多

今年春夏秋冬  
四甲子日皆雨

低田半與魚爲宅

空廩全無雀可羅已幸減租叨

聖澤輸猶乏力

柰農何

議捐議賑舊章循貸粟還煩大府親樂氏不書宜  
得政參軍了債更何人救荒自古無良策計產吾  
鄉本最貧寄語賢勞勤撫卹窮黎猶有甌生塵

未雨綢繆計莫疎豐凶理本有乘除周官倉廩皆  
分職漢代河渠自一書編戶要令沾實惠長民豈

是博虛譽老農盼殺三冬雪好待春來出荷鋤  
自分疎慵是散材南窗靜坐撥鑪灰課兒翻檢書  
重讀和友閒將句細裁差喜催租人不至何嫌乞  
米帖頻來秫田聞說收尤歎珍惜牀頭舊臘醅

祁忠敏公遺硯歌

硯爲余家舊藏形圓而楯旁鐫七言絕六  
首僧悔二詩次祁李孫釋明孟寓山樵各  
一詩而消一詩居末僧悔詩後有跋言公嗣  
奕慶以公遺硯贈陶生屬作詩以紀其事  
僧悔爲陳洪綬別號李孫卽奕慶按明詩  
綜傳公子理孫班孫姪鴻孫班孫字奕喜

借閒生詩卷二

十

鴻孫字奕遠則奕慶爲李孫無疑詩綜李  
作理當據此改正又失載李孫詩可據此  
補入明孟雲門顯聖寺僧字三宜寓山樵  
卽公別業爲號詩中稱公以君或卽公昆  
仲耶餘俟攷

端州片石佛面圓其色黝漆其質堅硯背形摹米  
家顛四圍詩句深雕鐫知是山陰忠孝之家傳北  
都淪沒南都偏廟堂歌舞民倒懸謠詠衆嫉蛾眉  
妍公遂移疾還林泉夷度家世富簡編惟公性尤  
樂丹鉛一生心事歸硯田劉樊夫婦真神仙謝家  
季女工吟箋

公夫人商景蘭  
女德萱皆能詩

隄廢一丸纖手研紅羊劫

換國步遷湘纍哀怨沈清淵公子奕慶殊翩翩亂  
山殘雪涕淚漣此硯侍公翰墨筵胡不世世永寶  
旃持以贈友盟山川僧梅跋中語陶生自是當世賢名同  
嫖姚氣無前陶生名去病僧悔之名幻老蓮雲門老衲文  
字禪寓山之園屋數椽樵子與公爲後先消也姓  
氏惜就湮公之忠義誠炳然大星光芒常在天硯  
乎硯乎流傳二百年滄桑閱盡過雲烟試數石交  
誰比肩惟玉帶生可以相周旋鷗波辟雍奚數焉  
嗚呼鷗波辟雍奚數焉

歲除日雪中招同人湖上探梅

招邀勝侶出重闌挹取寒波澣俗塵三日尚遲春

借閒生詩卷二

十一

信息

時之春前三日

一枝先鬪玉精神酒邊身世忘殘臘眼底  
湖山有幾人舉似閒鷗知此意依依故與我相親

壬辰人日同人集靜寄東軒以良辰美景賞

心樂事爲韻分得樂字

新年寂無事靜坐致足樂探梅信較遲登高屐嬾  
著坐惜此靈辰開樽聊命酌賓朋不速來禮數從  
簡畧談言屏軒冕志趣寄巖壑韻險詩膽豪寒深  
酒力薄緬懷草堂人風雅如可作月上催殘筵沈  
沈響街柝

正月二十日仲耘招集小羅浮山館以蝶蘭一枝

種梅花無算爲韻分得花字

已過燈宵靜俗譁故人有約興偏賒酒逢談劇頻  
傾盞梅勒春寒未著花料理羹材新節物商量吟  
卷舊生涯仲耘續輯  
郡人詩詩名不減功名重竝向麒麟閣上  
誇

九老吟分得老婢

久侍妝臺側辛勤女伴偕小心平日慣春事半生  
乖鬢亂鈿羞貼顏凋鏡嬾揩彊爲人壓綫無語繡  
弓鞋

夏松如

之盛

招集濃華書屋分得原字

草色薰簾竹繞垣多君置酒啟名園室中彝鼎劉  
之遴花裏笙歌晏叔原淺醉傾心忘爾我深談刻

借閒生詩卷二

十二

意謝寒暄玉堂他日輪清宿應惱風枝攪夢喧

洪

翰侍人翠翹寫竹程大昌題云戲作風枝斜再惱  
玉堂宿見圖繪寶鑑松如姬人工畫故戲及之

叔未先生惠餉樵李八十枚并以尊人芭野先生

仙根分種圖屬題同用卷中坡公初食荔枝韻

思君胸次如鹿盧煩暑惱人舌本枯一棹仙李勞見  
餉水遞遠免奴馳驅越宮薪膽左開襦吳宮歌舞  
姑射膚爪痕一掐畱尚在上上想象看名姝種除  
淨相他處無而翁分植從城隅仙根寫圖誌珍重  
膚色卻笑房陵麤金風亭長昔曾賦健筆已探驪  
龍珠易構爲醉悟音轉校經我媿遺其腴新篁萬  
个亭四面君家家世秋風鱸孫枝轉眼雙擢秀移

栽

上苑圖新圖

時兩嗣君將  
來省秋試

費君曉樓

丹旭

摹厲徵君遺像以贈矣君子復

疑

蓋子復所居榆蔭樓即昔年鮑氏溪樓也

勝地因緣餘風未沫亦翰墨中一段佳話曉樓

屬勝以詩同用徵君溪樓作元韻

幼讀先生詩晨夕不去口澹澹西溪梅濯濯西湖

柳先生詩似之流派開浙右怪彼鹵莽人微詞議其

後高樓俯苕溪三面闢戶牖日暮盪碧雲緬想凭

闌久魂兮或戀此歲時奠以酒遺容費鳳摹夙擅

傳神手芒鞋輕於鳧竹笠大如斗懸之溪樓中辦

香會吟叟

借閒生詩卷二

十三

題仲耘輯詩圖

西泠風雅百年乖十子才華亦等儕埽盡浮辭歸

正始論功第一是西厓

杭厲觥觥號兩雄晚年過嶺集尤工浙西詩派分

明在底事偏遺董浦翁

近海昌吳榕園選浙  
西六家詩有厲無杭

別拓詩城張一軍隨園才調自超羣生諛死謗尋

常事後世終須有子雲

漫將書法掩詩名學士篇章冰雪清經史傳家畱

別集文人從此莫相輕

外伯祖諫庵先生著史記志疑外  
祖夫庵先生著左通並能詩有集

君家祭酒承平調神味居然逼杜陵不似中州何

李輩描頭畫角自矜能

翁覃溪先生謂數人祭酒  
詩最深於杜非貌似也

會從末座仰靈光八十詞仙髮未蒼老去文通才不

盡吟壇猶自氣飛揚

仲雅先生自湘潭解組歸東軒詩社推爲祭酒

燕語留聲亦性情潛園妙語本天成真州作牧揚州死可惜匆匆過一生

春氣漸深宜燕語秋心先得是蛩聲琴塢論詩句也

青湖朱老有薪傳格調先教僞體刪放浪江湖悲

短李西齋空將面目認廬山

詩學傳家絕世無一門師友鯉庭趨樂城他日刊

成集定把才名壓大蘇

大集雲笥篇萃雅材祖庭舊日選樓開而今繩武重

編輯多少吟魂入夢來

偶然作

借閒生詩卷二

十四

一重簾幙一重門銷盡江淹別後魂有曲總教成

懊惱無膠依舊是黃昏苔階雨溼疑行跡心字香

殘畫篆痕欲自懺除除未得多情原說是愁根

怕看月上早關門隔面頻牽夢裏魂萬斛閒愁償

綺債半生多病怯黃昏疎他酒盞親茶盞褪卻香

痕認淚痕漂泊未知何處著浮萍生小本無根

鄭湛若天風吹夜泉硯歌桺東屬題和有正

味齋集中韻

嗚呼先生其在狂狷間絕交書媿姦臣顏滄桑雷

此一片石伴君校經鱣堂間銅柱鬼門往復還天

風吹落泉潺湲編成二雅筆奇肆吟到九邊語辛

艱鬱千峯兮銀殿山渺三湘兮莫邪關盡收光景入  
筆底歌罷淚血凝成斑虞山蒙叟眼如豆海雪一集  
翻從刪此硯不終淪羊蠻淳如呵護垂雲鬢當年  
挾之走萬里得句繡徧弓衣彎南風綠綺伴汝久  
廣陵散不畱塵寰緬高風兮神往弔畸人兮淚潛  
玉帶生惟汝追攀我讀硯詩未見硯徑思造君摩  
循環

七夕

澹澹銀河澹澹雲一鉤新月映窗紋閨中未識填  
橋事賭背河東乞巧文

書農學士梅竹小照

借閒生詩卷二

五

蒼苔不埽花滿蹊此是詩人之幽棲香茅屋子三  
間低兩株綠萼檐牙齊齋南齋北椽筆題舊時月  
色魂魄悽周回種竹白日翳龍孫箇箇丹霄濟天  
與清福娛黃齷高隱何必西溪西草輦足健不杖  
藜花間選石無纖豎問字人來古與稽讀賦那慮  
譌雌霓暗香落袖綠染視手書一編酒一棹高歌不  
顧驚童奚底須小紅檀板攜竹外一聲翠羽唳梅花  
入夢林烟迷

閨重陽仲耘招集小羅浮山館看菊分得隱

字

佳節駐秋光又是重陽近季重城東居蕭然遠塵

玢籬菊數十枝位置覘所蘊瓦盆左右陳澆灌晨夕謹攜客花間來几席可待技新詩沁幽襟家釀濡燥吻人皆願君仕我獨願君隱行藥尋鄰翁歸來課童齷此境良足怡世味苦如堇我醉言太真坐客毋乃听

題楊妃病齒圖

慳慳睡損縷金衣不爲傷春笑語稀臨鏡怕教容瘦減卻添玉頰幾分肥  
含顰脈脈侍君王髻子慵梳倚象牀雪色鸚哥真解事傳宣催進苦參湯

題蕙窗先生所藏文與可墨竹

借閒生詩卷二

十六

數竿脩勁筆通神七百餘年翠墨新寄語桓廚須  
秘惜臨摹怕有李夫人

元章米云非魯直自陳不能辨也見畫繼

李公擇妹能臨松竹木石文與可嘗作偃竹貺東坡山谷借而李臨之後以示米

東軒賞菊和查春山年丈韻

鶴髮皤然入座遲滿天風雨又催詩顏丹不用仙  
醪駐腰健無煩瘦策支漫詡東籬標晚節行看上  
苑擢孫枝

令孫甫捷秋闈

涪翁底事虛成約無限相思說與

口是日遲黃忍

矢堂先生不至

送義亭之官江右

風雪逼歲除離筵酌清醕回憶廿載前年少各矜  
許君不輕可人白眼輒爾汝我時氣亦盛薄今而

愛古豈無合并時相視不一語通驛有延陵華移始獲  
訂編紆初猶漫視之間時一晤聚漸乃知之深迴非噲  
等伍情親等骨肉譚劇傾肺腑有時質疑難所蓄  
無不剖君前宰西江循聲滿編戶憂歸行復起祿  
仕意良苦宦途最不平人人競進取蛾眉易遭嫉  
直道每見忤固當脂韋屏亦勿強項詡縣令秩雖  
卑民瘼是所主況當災祲餘哀鴻徧江浦加意謀  
撫綏奉職力須努促膝忘宵深統如動街鼓坐久  
鑪火燼欲別色先沮殷然索我詩可無一言補非君  
敢盡規交道久如土

松如招集畱餘堂看雪用東坡聚星堂韻

借閒生詩卷二

十七

一榻擁書倦掃葉登樓遠眺四山雪紙窗未啟虛白  
生苔徑猶封剝啄絕清景令人興欲飛雅會煩君  
簡先折枯樹雅拳噤不嘯曲巷人行跡旋滅歡聯  
密坐挽春回景逼殘年驚雷掣編爛照眼盡奇古  
松如喜  
蒼古器枯澀搜腸乏華纈纔聽檐竹戛琤琮又見庭  
松落騷屑襟懷無滓淨於洗酒力因寒過如瞥夜  
深怕被醉尉呵路滑愁聞童僕說爲恐詩通似火  
催忍凍燈前炙硯鐵

送仲耘入都補官

莫款斯人住尋詩獨倚闌況當風雪緊更覺別離  
難政以無苛暇心緣不競安故山有猿鶴慎勿忘

清歡

臘月二十三日湖上作

年來萬事付瞢騰，聊作清遊我尚能。  
歲序崢嶸奔似鹿，山容枯寂老於僧。  
酒須量過拌衝雪，舟任行遲聽打冰。  
只有孤山春暗透，閒尋梅朵曲闌凭。

小除日薊泉先生招集湖上壘前韻

臘尾春回逸興騰，閒身許借幸無能。  
梅花認是前年客，去歲除夕借薊泉先生及諸弟泛湖塔影積如廢院僧。  
檐雪消殘疑滴雨，展泥宛透尚黏冰。  
香山脚疾清游阻，靜撚吟髭

曲几凭

謂書農先生

除夕讀靈芬館五集卽用其首句漫成一律

借閒生詩卷二

六

除夕年年例有詩，要芟熟語費尋思。  
兩三吟侶天涯散，四十明朝歲序馳。  
豈敢求名增我累，祇緣習懶惹人嗤。  
翦燈細把牙籤整，爲祝長恩好護持。

癸巳新正連雨不出三壘前韻

埋頭硯北謝蜚騰，委曲隨時媿未能。  
常對卷如投分友，偶游山似放參僧。  
香縈鑪篆都成字，春到瓶梅早泮冰。  
準備登高重蠟展，城南閒向酒樓凭。

題王性餘太守茗雪溪亭圖

廣陳移住趙王孫，解組歸來日啟門。  
偏有問奇人

剝啄月波

秀州酒名載取滿芳樽

柘湖湖水澹於烟，臨水低低屋幾間。  
丁卯豪端憑

寫出可能添角故鄉山

太守自荅上移居當湖圖為  
許五五年作故詩中及之

### 漢健仔飛燕玉印

秦璽投地螭角缺西京宮殿劫灰滅此印完好雷  
人聞不隨玉匣埋深穴印方徑寸鈕刻鳧價抵照  
乘光明珠號曰健仔妾氏趙蛛絲篆古精難摹昭  
臺廢死增城退姊弟入宮竝嬌貴同時拜寵比列  
侯青綬縮來誰所佩或言篆作飛鳥形印文趙  
字鳥篆身輕  
想見容伶俜卽姓寓名太纖巧此語無乃爲丹青  
河間蔥鬱有佳氣拳夫人亦皋狼裔姓名位號又  
復同移屬鉤弋庶無媿從來婦怨皆無終武皇遠  
慮真英雄末孫昏懦那得比齒冷耿育言非公摩

### 借閒生詩卷二

十九

掌幾徧慨千古一印區區何足數禍水誰知易溺  
人漢家响雉唐鸚武

### 書楊子堅鑄扇

半春風雨卧湖隈倦眼逢君始一開對榻論詩重  
翦燭秋時好就菊花來

三月二日夜雨不止明日吟社諸君約脩禊事  
倚枕口占

依約青山認不真小桃含怨柳含顰關心佳節偏  
多雨屈指吟朋止數人未會閒情終是俗已拌長  
醉柰何春寺鐘初動檐聲斷起看湔裙祓水濱

上巳書農學士薊泉先生松如屠脩伯秉劍

秋從祖銑亞虞弟集水北樓以洞口桃花上  
巳山爲韻分得山字

一春佳節放晴慳喜得吟朋共款關飲酒不狂如  
白水著書亦嬾負名山烟中弱柳青垂綫雨後新  
苔綠點斑我所祓除惟口業閒情自此誓從刪

觀馴齋海棠盛開劍秋從祖有詩因次其韻  
輕陰漠漠釀春時花木閒庭獨爾思休道無香猶  
自恨只須不雨恰相宜尋芳笑我經旬負燒燭何  
人入夜窺分付園丁勤護惜金鈴繫在最高枝

水北樓春日卽事用樊榭集中歲暮自題南  
湖所居四首韻

借閒生詩卷二

三

性契烟霞逸興騫慵將生計問田園雨餘急水喧  
湖口樹暝積雲卧塔根清磬聲中流梵唱綠楊陰  
裏聽禽言一閒箋向天公乞花謝花開總閉門

對面南屏翠黛低近城遠市穩深棲帶分橋影音  
譌段鏡展湖光姓是西點水絮黏鳧鼎篆入簾花  
夾燕巢泥明朝怕有閒風雨聽得村鳩不住曉

韶華回首廿餘春祖硯畱貽拭匣塵睡起繡書搜  
簡蠹茗餘吹笛譜洲蘋閒尋古寺談禪客嬾逐晴  
隄拾翠人佳日無多休放過好憑花月悅慈親

人情隴蜀笑無涯隙地還思買種花檻外平鋪苔  
徑窄池邊補插槿籬斜評量酒戶分三雅檢校書

籤列五車白石仙今呼不起一盤水磨屬姜家  
口占謝客

端居局戶官輕開四十無聞媿不才笑謝知交休  
溷我此生只爲讀書來

梅雨卽事

蓄水

竟成司馬渴豈爲著書勤響聽檐前瀑寒生甕底  
雲預防三伏早還許四鄰分更好湖濱任烹泉倚  
夕曛

焙藥

藥氣勝花氣渾如百和含星星桑火撥顆顆蠟丸  
借閒生詩卷二

三

探烟裊攪茶鼎香濃貯竹籃清娛方卧疾此味妙  
同諳

檢書

喜得緝書暇梅天十日霖生涯隨蠹老塵網怕蛛  
侵角折痕輕尉籤殘部細尋中餘故人札珍重比  
南金

試香

雨霽蒸殊甚頻將艾納燒清芬縈碧檻餘潤入紅  
綃詩思和烟細閒情逐篆銷閉門還掃地靜境自  
迢迢

分竹

一曲池旁地商量補竹宜明朝防日出連夜帶雲  
移坐與此君對來嫌佳客遲放懷同汝醉聊爾醉  
芳卮

撷花

冒雨將花乞分栽近水濱無根仍得氣隨地總生  
春柔蔓扶還卧新芽吐未申全憑造化手此事亦  
經綸

聽蛙

池水平添尺新蛙處處生問伊何事怒作此不平  
鳴青紫徒相炫文章漫自驚拋書吾欲卧且自禁  
繁聲

待蟬

梅炎蟬未噪行藥過城東消息斜陽外光陰碧樹  
中琴絃猶澀指鬢影相臨風轉眼庚晴後聲聲曳  
遠空

借閒生詩卷二

三

借閒生詩卷二

借閒生詩卷三

錢塘汪遠孫久也

漢曲成侯蟲達玉印

蟲將軍氣如虎龍門之史姓爲蠱證以廣韻知傳  
譌或者通借字從古今觀此印疑始申食邑未署  
封號新初封曲成改封掖小司馬亦爲調人蘭臺  
泐銘獨闕傳顏籀位次達居殿士衡作頌并黜之  
不知優劣從何見嗚呼韓彭蒞醢皆不終將軍亦  
是可憐蟲再傳已遭鬼薪辱區區畱此一方玉

題薊泉先生騎虎小照

騷壇跌宕老詞人服猛無端幻此形夜半雞聲增

借閒生詩卷三

一

激楚天涯馬跡感飄零漫由人相皮羞畫終斬侯  
封骨不靈名士從來似名將酒邊猶自拂青萍  
語罷看君涕淚潛爲君重語勿辛酸小回家學終  
能志老谷詩篇已不刊浮世名如蒼狗幻故山盟  
眉白漚寒紛紛悲樂皆心造好作騎驢一例看

五月二日樊榭先生生日同人懸像設祀於水  
北樓同用集中生日有感韻

如此清才定得天癰身鶴立貌儵然畫林徧輯中

興派

先生著南宋  
院畫錄八卷

詩格還參大歷年魂繞梅花山一角

先生墓在西  
溪王家塢

龕同彌勒屋三椽

先生木主供  
奉交蘆庵

西湖也是頻游

地想見幽吟枕石眠

重陽日嘉禾舟中口占贈鮑朗如

別後思君道阻長重逢一舸布帆張最難此日無  
風雨已逼中年易慨慷詩骨逢秋爭柰瘦名心如  
水早除狂聽歌對月渾閒事長觸離情黯自傷

揚州家容夫先生以乾隆甲寅來游湖上遠

終於葛林園寓舍其家既招魂以歸矣道光

癸巳哲嗣孟慈孝廉喜孫將奉先生與母夫人

合葬復來虔告誠孝子之志也遠孫重其事爲

長歌以紀之

日暗西斜鳥飛鵬客星夜隕湖光縮魂氣由來無  
不之孝子長呼皋某復吾宗邗上老明經貴屏國

借閒生詩卷三

二

爵學祛俗八千餘紙屢脫手四十萬言恒拄腹其  
口常教關半豹有角還看折五鹿湖山迎得寓公  
來要借雲霞飾厓谷正期垂露灑飛文詎料高風  
摧秀木像設高堂備招具魂衣捧到噉然哭陽呼  
陰嘯索上下先道昔行命工祝魂歸故室敬無妨  
春秋霜露宗祊肅駒隙光陰四十年百歲同歸淑  
配淑首邱早待形魄藏若斧新成宅兆卜事親孝  
子敢云終尚曰求諸重匍匐小招賦後復大招孝  
告禮成更慈告於彼於此神所往如慕如疑惑應  
速我生正值公歸年未獲親承顏貌酷幸哉得與  
孝子游父書一昔知能讀敬從孝子想公神孤山

之原葛嶺麓公神行如水在地況乃生前寄遊躅  
桐鄉葬未樂朱邑屈廟圖宜配延篤處士神仙公  
往參一杯共薦寒泉菊

文丞相琴歌爲陳碩士宗伯用光題

五坡兵潰白草殷孤臣北去不復還松風颯颯桐  
不死正聲長畱天地間景炎紀元歲丙子勸進旋  
經奉召起抱琴夜宿空山中回首豪華都已矣上  
絃錚錚勁如鐵皋亭山前論不屈下絃忽作變徵  
聲真州城下脫身行平生壯懷悲不已并入風聲  
雨聲裏吁嗟乎製傳盾樣偏忘讎蟋蟀聲中蕉氏  
秋賈似道  
琴名半壁興亡只如此罷彈血淚徒雙流迄今

借閒生詩卷三

三

事往六百載傳拓銘詞煥精采字挾雷霆勢欲飛  
丞相英靈竟如在壞漆塵埋認斷紋淒涼懷古意  
徒殷當年銅雀悲清惠官戴黃冠效水雲

魏貞烈女斷指圖爲倉伯同年彭年作

亂雲塗墨曉朝鴉女貞一樹冷不花訪友北郭鶴山  
喬相見未語先咨嗟閨中有女年三五生長膏腴  
厭雕組選壻欣開孔雀屏侍親未繡鴛鴦譜郎君  
家世龍門開翩翩才調儕鄒枚方期蘿薦他年託  
詎料瓊瑤一夕摧噩問倉皇驚欲絕僕婢丁寧語  
勿洩默有靈犀夢裏通暗悲寡鵠燈前咽女腸千  
轉柔如綿女心百鍊堅於鐵春月秋花悄以傷強顏

歡笑慰耶娘中宵斷指忽自誓願得長齋佛火旁  
口雖不言心早矢一病匆匆從堦死證明景路寬唱  
隨含恨庭闈負怙恃吁嗟乎未昏守志古所疑此  
語苟同無異詞策名委質死無二臣道如斯妻可  
知人間有此女子奇不誇南八真男兒

除夕示諸弟用上年除夕首句并次前韻

除夕年年例有詩含豪聊復一沈思家逢歉歲閒難  
借人過中年景若馳食指漸多惟尚儉書香勉繼  
莫遭嗤護堂康健荆枝茂笑語深杯手自持

除夜雨雪拉雜不能成寐倒疊前韻

夜寒要賴酒禁持積惰心情每自嗤臘尾時光風

借閒生詩卷三

四

雪緊天涯朋舊夢魂馳書能娛老休論值

有以大德本前後漢書索

售者價高未  
買意頗惜之

詞易牽愁懶搆思拍枕幾回吟未穩姬  
人笑問可成詩

社日水北樓遲燕子不至

縛帚呼童掃杏梁年年今日爲伊忙花前望斷烏  
衣影何處句畱戀夕陽

次日見新燕

社日纔過柳色新苔階如水淨無塵捲簾聽得呢  
喃語認是年年摩笛人

同人登菽光

徑轉綠無際蕭森萬竹脩風吹疑作雨春老冷於

秋攜伴扶筇健題詩選石幽夢禪圖畫好展讀一  
白雷

坐冷泉亭借劍秋從祖聯句用石田圖卷中

劉賓山汝其通韻

爲愛禪關遠市城  
鉢烟雲深處屢經行  
看山轉覺添忙事  
遠孫藏集猶嫌近好名  
社後燕來尋舊約  
鉢洞中猿隱證前盟  
幾時得共誅茅住  
遠孫飽聽風聲與水聲  
鉢

前峯雨過漏斜暉  
遠孫嬾更支筇上翠微  
撲檻溼雲扶不起  
鉢夾泉危石怒爭飛  
深林松鼠窺人熟  
遠孫舊事花豬待客稀  
靜坐危亭共清賞  
鉢號鷗

借閒生詩卷三

五

底事便催歸

遠孫

三生石和語上上人韻

支筇訪古路沿緣  
又是擘晴欲雨天  
二月春寒輕似水  
四圍山色淡於烟  
無生自是安樂法  
得句還參文字禪  
濟勝具難酬  
逸興捫蘿徒倚石巖前

大興翁覃溪學士與琴鳴太守論詩隨筆劄

錄脩伯裝潢成卷屬題

文人例相輕持論  
不一端  
豈知善詩者意每餘於言  
潛園甫弱冠詩名滿長安  
有時成一篇浮華早  
盡刊有時發一義  
四坐紆憂顰同時查梅與郭頻  
遇之猶逡巡  
觥觥翁學士海內稱偉人  
經經兼緯

史學術具有真一皆發爲詩言乃醇乎醇潛園未  
識面心契有夙因瓣香繼入手談詩日造門漢魏  
逮元明縱論還參觀此中真三昧知音良亦難當  
其得意時日夕幾忘殮吾道其南矣雅抱深注存  
口所不能盡落筆探詞源自非文字契相得胡能  
然大雅相繼喪詩壇寂有年詰嗣藏一紙攜示詰尊  
前字字挾風雨墨溼不敢捫展卷共悽惻慨焉思  
前聞

作詩愛隸事適足爲詩病偉哉先生言清才萬斛  
併東南盛壇坵家家事觴咏下筆規三唐外彊中  
不競廣坐恣雄談聞者竦然敬其實無所有衣冠

借閒生詩卷三

笑優孟又或生面開險徑追孤覓崛強與生澀亦  
非詩之正二者均失之無怪招譏評先生軼羣才胸  
次澄潭淨經濟本文章方舒亦翻勁一病臥家園功  
名悲蹭蹬惟此文字緣劇嗜由天性論詩無成見  
心平一如稱朋箋紛然投一見別雅鄭名園詩社開  
大會津比盟我時一造訪如境入奇勝先生不我鄙  
談久氣猶橫繪事邁方標奚蒙泉曾荷尺幅贈胡遽  
反道山哲人不永命斜川早蜚聲足爲先生慶季  
亦讀父書一試卽超乘定勿墜家學四部分緯經遭  
逢會有時何用心怲怲周廐充驂駟虞廷列球磬  
和聲鳴 盛時大文耀魁柄下以紹家聲上以答

明聖

陳碩士宗伯屬題三百三十有三士亭圖和湯

雨生協戎韻

不遇媪皇能鍊石下拜徒抱米顛癡補天材自充  
近玩深巖老卧烟霞宅大興學士儒者宗漢詒千  
年門徑闢手持玉尺來三山愛士不惜連城易以石  
作贅古未聞無數峯嵐環几席大者如屏小如拳  
獨者為蜀屬者澤其中豈皆磊砢材一經位置殊常  
格有亭翼然可小憩宜酒宜詩更宜弈大興既往  
新城來後先輝映年半百詩河先生乾隆己亥督福建學政  
先生督學時相距幾五十年矣  
追思舊事寫新圖旋向之江移榮戟吾鄉獲遇文

借閒生詩卷三

七

場伯誰復空山泣和璧方

望溪先生姚惜抱先生

而後一瓣香久

已聲名動重譯篋裏多收善本書座上常延布衣  
客更勞折節到衡茅屢向湖山陪謝屐春波重訪  
阮公墩舊日風流猶未革公所遊覽不能記豈便  
鴻泥變陳跡展卷題詩聊贈行階前新長苔痕碧  
秋風使節儻重來浙士人人手加額

脾疾止酒用梅宛陵樊都官勸止酒韻

少喜逐酒人忽忽四十過酒中利與病所歷良已  
多少飲固不害血氣藉融和無如麴蘖性積溼防  
成渦一旦起為患無策禦則那抱撲著酒誠大聲  
而譙訶劉伶行荷鍤縱好不敢阿君子首慎疾珍

重宜如何

止酒旬餘夜不成寐因復命酌作此解嘲仍

用前韻

晚飯屏杯杓睡媒不復過耿耿撫長簾得不償失  
多因之更復飲一盞回春和閨人顧之笑頰暈紅  
雙渦醉鄉天地寬小憩其居那靜與達士契不顧  
庸醫訶杜康未造酒人亦歸山阿不見柴桑翁止  
酒時幾何

晚涼招書農先生小酌詩以代東三疊前韻

詩人見止酒掉頭不我過復飲解以詩韻險敢自  
多故人三山歸鼓盆聲不和貽我鸚鵡杯活翠紋

借閒生詩卷三

八

旋渦

陳丈扶雅以螺杯見貽

聞君校文倦鄭重商首那速君從我

飲歸路那怕訶山房雲氣潤僻靜如巖阿大醉更  
挑戰摩壘其如何

喜鄉泉先生疾愈劍秋從祖有詩次韻

先生道氣凝二豎避三舍云胡相逼來肆虐吁可  
怕豈是白玉樓脩文局未罷良醫謝不爲巫陽已  
來乍千百詩人魂悠悠卧長夜籲天乞畱君夢食  
白衣蔗病起健勝秋編香課勤夏攜朋爲君壽斗  
酒不須貴

先生時校輯抗郡詩增入數百人

寄懷湯雨生協戎金陵

緩帶輕裘客詩成張一軍未衰甘引疾久別悵離

羣嘯傲娛春水

君所寓園名

歌吟過暮雲傳家有破硯長

自誦清芬

令祖緯堂先生殉林逆之難著奕硯瑣談

倦卧茅茨老一山桃李漫江鄉頻歎歲海國又狂瀾

夢寐相思極音書卻寄難感君遺尺幅醉後展圖

看

君曾爲余寫水北樓圖

午睡

攤飯真成例書齋短榻橫悠悠吹夢遠灑灑覺心  
清香鼎消無篆茶鎗咽有聲起來疎雨過一角夕陽  
明

畫隱樓曉望和劍秋從祖韻

曉起庭花氣自薰科頭晏坐絕塵紛菖蒲繞砌泥

借閒生詩卷三

九

清露薜荔披垣翻綠雲蟬解警人無俗韻烏知求  
友亦同羣閒居欲嬾不暇嬾且把剛柔日課分

烹雪水試靈隱僧所遺野茶用東坡試院煎

茶韻

掩書兀坐煩暑生嘈嘈兩耳如雷鳴飯餘莫解渴  
吻燥客至乍卷湘簾輕早茶晚茗一而二贈遺多感  
山僧意呼童洗鉢手自煎惜無符調山中泉忽然  
兼得欣隴蜀一甕曾儲屑霏玉溪上女兒常嘯飢入  
時不畫十樣眉又如畸士性清介那肯徇俗同詭  
隨詩腸枯久急取以滌濯記取跛脚睡醒舌本回  
甘時

夏日閒居

湘簾垂蒜鼎沈烟靜裏居然是散仙攤飯睡同潮  
有信著書坐送日如年羽箋重疊還慵答吟藁叢  
殘待細編傍海免銜精衛石使星光燭斗牛邊  
短髮侵晨攬鏡梳年華掣電一愁余事如昨夢何  
堪憶客盡相知不礙疎茗癖難消烹雪水農書小  
試種秋蔬關心米價應平減聞說通商稅早除

夏閨用唐女子光威哀聯句韻

簾櫳晝靜薰風午庭院炎蒸伏日三骨瘦最宜蕉  
葉簟汗香怕漬藕絲衫任憑催繡情偏倦畧禁貪  
涼意便銜聚貝花繁憐背母永安錢古祝多男關

借閒生詩卷三

十

鬆腕玉嬌嫌重枕印顯霞醒覺慙識字籠鸚調宛  
轉試飛梁燕聽呢喃閒成蒜絡勻挑縷戲製瓜燈  
細劃蓼蓮擘空房愁黛斂蘭拈苙蒂笑渦含輕容  
稱薄羞郎覩滋味宜酸喜婢諳棖觸閒情難自遣  
分明昨夢更誰參裁雲鍼綫吳宮趙聚雪肌膚蜀  
國甘何處清涼堪道暑商量水北與花南

書農先生和詩不至戲用東坡督歐陽叔弼  
季默倡和韻促之

齊大由來孰與京騷壇枉自鬪心兵翻教閭裏添  
忙事敢說奇中覺巧生未到催租何興阻幾同收  
債莫心驚新詩成後重評論藏有春醪約共傾

池上納涼偕劍秋從祖聯句用韓孟納涼聯句韻

溽暑過疆半鉢季夏月之朔日夕漸退炎遠孫池清不受濁文魚羣泳游鉢新藻紛聳擢藤闌拗詰屈

遠孫苔磴列巖嶽兩水伏流通鉢急雨飛瀑灑樹枯

禿似僧遠孫石白散比電詩境闢李洞半潭秋水一房鉢山李才江句也

風浪讓宗慤於焉盛觴詠遠孫且以屏聲樂校經

黃衣藜厚氏先生鉢著賦青錢鴛書農學士寓言幻蒙莊階遠孫

中聖緬醉邈慧交深雞黍歡鉢論劇犀塵握詎俟

大扇揮遠孫況有茂陰卓繁蟬沸林坳鉢疎星挂

檐角寸衷感聚散遠孫幽棲靜剝啄江夏譽無雙

借閒生詩卷三

十一

鉢一病顏退渥室已疫鬼逃遠孫甕未酒人捉虛

齋待絃誦鉢散材厲菜桷齋泉先生時臥病在家談衍肆滔滔

遠孫丰姿憶濯濯泥雪鴻爪雷鉢音信魚尾犖王毅

亭時宦畫手推吳興遠孫門風接劉璞遠夢阻秋

葭鉢繞村熟夏穉揮灑兔禿豪遠孫調弄鴿坼殼

費子若喜畜鷓時歸西吳相思心忡忡鉢小謹謝齷齪韻險鬪又尖

遠孫景妙費斤斲苦或時撚髭鉢豪敢詡橫槩久坐

風露侵遠孫中年哀樂覺撫懷快壯游鉢攬鏡改舊

兒著書籍養痾遠孫附驥欲勵學高吟屋烏驚鉢假

寐簾蝠撲起舞意不羈遠孫嬾出足如鈇衣裳戀芙

蓉鉢粥飯甘蔞葯動苦禮法拘遠孫默慨人事剝歎

歲哀鴻嗷斂直道脩蛾詠世路悲險巖遠孫交情防  
碌砢劍長斫地頻斂髮短搔首數古意增慷慨遠孫豔  
體罷捉搦夜闌涼生衣斂月斜影移樸詞律商韻  
格遠孫史才極研推茫茫任推遷斂談笑噓啜光  
耀螢尾閃遠孫虐避蟲喙軟荷氣愜沖襟斂薛蔭  
冪輕幄街鼓催人眠遠孫翦燭向重珠斂

觀馴齋石筍用昌黎山石韻

烏石山麓雲霏微一峯筆卓峙不飛龍孫幾個落  
庭院來伴竹瘦兼蕉肥蜀街自昔有奇跡珠璣錯  
落世所稀我未會睹亦不羨爛煮不足充朝飢卽  
此數株已奇絕蕭齋深窈如巖扉高者盈丈低者  
尺斑駁飽蝕霜雪霏如蠹齧樹攢萬孔如蟻穴地  
穿四圍此君性介絕塵俗訂交雅稱荷芰衣會逢  
風雨恐化去薜荔藤長持作鞵參玉版禪定頭點  
有客揮塵欣忘歸

張雲巢齋使

青蓮

招集玉玲瓏閣再疊前韻

一卷石耳微乎微七百餘年驚雷飛宣和石網偶棄  
置斑駁繡滿蒼蘚肥陰厓有字識歲月風雨剝落  
完者稀田居侍御老寒餓吟罷輒思煮療飢張侯  
置酒邀我賞折簡剝啄臨柴扉客來三五皆不速  
高談玉屑飄霏霏我與石丈交有素醉撫松樹大  
數圍興酣磅礴坐其下有時散髮還散衣人生無

官亦至樂韓版局束如受鞿石丈語我欣得主莫  
爲荔支思南歸

雨後口占

籤軸呼童檢舊藏牀牀屋漏徧書堂已交伏尚三  
時雨未到秋先一味涼自撥濁醪邀客醉新抽稚  
竹比人長儒生亦有憂時念勅斷乖龍籲彼蒼

枯桂歎用少陵枯枿韻

庭前雙桂樹歲月不能記一株吾祖植攀仰有深  
意一株更在前百年欣得地胡爲干霄姿先後歎  
蕉萃苑枯有定數萬物本一氣昔爲老桂篇紛綸  
誇奇思坐令蝸蠹侵封殖愧先志欲伐復不忍撫  
樹墮清淚故家如喬木成難而敗易書此示諸弟  
亦以自警畏

借閒生詩卷三

十三

書農先生惠藏香并賸以詩用東坡子由生  
日以檀香觀音像及新合印香銀篆盤爲壽  
詩韻答謝

漳蘭抽箭含幽芬湘簾輕颺薰風薰學士厚我迴  
不羣以詩賸香箋裁雲讀罷輒欲筆硯焚焚夾絨  
裏百衲紋長如笥束細縷分兒羅娑造氣網緼熏  
衣齒冷荀令君淺蕤伴我研典墳方今異域皆  
同文跳梁小醜如蠅蚊羈縻不絕古所云非傅介子  
誰策勛請纓不必師終軍身逢太平體不勤濁醪

一盞晚半醺硯田兀兀終歲耘盧抱經學士孫頤谷辦香  
傳社粉童而習之白首紛俗塵從茲散以君作為  
此詩報君聞

買得紅鯉一頭放之池中用東坡放魚韻

噓氣成雲彌大塊龍門一擊跨鵬背汝獨胡爲困  
網罟入市柳條貫如帶若非鱗鬣具光采刀几幾  
付庖人鱠連朝大雨天瓢傾白點跳珠觸手碎水  
平池面足泳游未須仰沫嗟失瀨一勺水等渤澥  
寬况復虛堂通內外我雖非魚知魚樂漆園微旨  
意能會邀君共作放魚詩笑殺潢汙敵蘇海

秋暑用韓孟秋雨聯句韻和書農學士作

借閒生詩卷三

十四

入秋暑愈酷文酒罷良會驕陽耀赫曦纖雲散蔚  
藹縱已西馭馳尚覺南風泰樹焦鳥焚巢水沸魚  
失瀨燄張火織高光射銅鉦大眇忽眼生花虐甚  
體灼艾擇音何處道慰石無計柰憫農歎膏屯請  
兩急雩兌橫榻帶晝眠理榜遲晚汰幽尋憶山中  
冥坐契象外小飲汗滂沱倦讀胸噫噓滌藉荷氣  
涼沁快蘭臭馥几席近火爇階砌沃水沛螢乾翕  
微光蟬渴澀清籟少女跡遁藏炎官力熾忤爽欲  
薦瓜果嬾久廢冠帶頻年霖潦多今夏疫癘害關  
心課雨暘畢力趨畎澮九秋獲庶豐萬姓利攸賴  
歲事驗剝復天心卜著蔡海國魚龍驕神祠學瓊

醉決流浸斥鹵膏壤成穢薈風迅勢搏激濤怒響  
崩礚興工集奮雷代賑散泉貝閭閻虛蓋藏官府  
乏儲層民困急欲蘇天鑒不待勺捍苗下石捷  
持節駐雲軼馮夷靜蛟舞義駕促鸞翮吾徒伏蓬  
篲貴游謝軒蓋毋徒憂抱杞聊復詩詠鄼君是玉  
堂仙夙樹騷壇締銜杯佇新月倚簾拂輕靄襟懷  
滌冰雪筆墨絕埃盪千言瀉珠玉萬口爭炙膾選  
韻險出奇傳箋速稱最讀罷喋且攝思苦眩欲佈  
忽聞輕雷殷喜見甘澤霈詩成恰催雨快意吾亦太

新秋閨詞仍用光威哀聯句韻

筵開乞巧辰剛七節記迎秋日又三

七夕前三日立秋

新浴尚親

借閒生詩卷三

十五

蕪竹簟嫩涼恰稱越羅衫一匳鏡滿澄波漾兩角  
眉纖遠黛銜繡睫拈鍼閒課婢蠟嬰拍水喜徵男  
嬾常泥睡憎人喚瘦不關秋顧影慙凝睇看星思  
脈脈低頭拜月祝喃喃都梁蕪盡勻灰篆末利開  
遲帶藥簪指透甲明金鳳染肺經火鑠玉魚含疎  
砧鄰院情深憫團扇空箱味怕諳井畔梧桐愁乍  
覺枕函蟋蟀候微參漏長漸忘宵談倦日出還餘  
曉夢甘最好炎威消已盡采菱雙槳過湖南

喜費曉樓至

抱膝柴門裏心輕事五樓長松伴孤影稚竹媚新  
秋別久勞相憶書稀嬾復酬今朝喜重至勉爲故

人雷

題赤嵌從軍圖

甲午

臺陽叢爾彈丸大一髮孤懸滄海外已見番黎隸版  
圖長教閩粵爲襟帶赤嵌城高氣勢雄天開沃野  
東海東十更五更道途險東吉西吉島嶼通無何  
小醜思跳梁前有林蔡後李張煽惑番民恣劫掠  
烽火夜徹漣淩洋重臣鄭重帆東指親督貔貅掃  
蟲豸指揮飛渡滄波中籌畫誰參戎幕裏才藻翻  
翻吳季子拔劍高歌吾往矣題名會上木岡山請  
纓再渡澎湖水雷奔電掣焚其巢眼見狐鼠紛紛  
逃生擒渠魁檻車送歡聲直上青雲霄敘功增秩  
賞不次男兒事業從今始戢亂原須卓犖才防危  
端賴循良吏壯心寫作畫圖看莫道機宜善後難  
若使撫綏能保赤何曾草野愛探丸而今瀛海不  
揚塵卧游慷慨迹已陳雞籠萬丈雲霞色重寫閩  
南草木春

甲午除夕作

勞勞一歲中三百六十日米鹽厭凌雜賓朋苦牽帥  
我生耽習靜暇輒坐一室又復手一編矻矻業未卒  
昨夢神告我人生貴自逸精力有定數用之日見  
絀著書近求名名亦不可必餘事更可廢世網如  
桎梏我時聞斯言爽然若有失今茲逢歲除更始

從旦詰冀以葆性真更以蠲疾疾嬾惰吾素爾人  
言亦奚恤

題陳碩士宗伯焦山紀游圖用東坡韻

平生山水性所耽最好江北連江南少年渡江太  
匆遽未遑寄宿桑下三邇來嬾不出鄉里飽食倦  
眠如春蠶新圖到眼感疇曩山靈姍笑顏生慙焦  
山幽邃擅名勝烟樹明滅深潭潭鐘聲遠逐亂雲  
住塔影倒射斜照酣想公遊屐之所到抗手欲共  
焦仙談揚雲一廬傍山麓風雪讀書燈映龕書來  
述游語入勝引人味同蔗境甘

丹徒詩人楊鑄子堅  
結廬焦山書來招游

西湖

借聞生詩卷三

十七

拏舟造訪吾猶堪知公意亦欲兩擅清夢還落菽

光庵

先生時屬費君曉  
樓寫菽光步竹圖

又題菽光步竹圖

山峯數十轉竹徑二三里不辨山與竹一碧只如水  
羣公屏廉從先後快戾止寺僧迎門揖樵子隔溪  
指鳥語靜不驚細碎弄宮徵澗泉曲折流冷漱石  
齒齒三秋天久晴風日清且美前峯挂夕陽孤亭  
猶徙倚言歸興未闌夾路亂雲委回首意蒼茫鐘  
聲烟外起

乙未春日黃霽青太守

安霽

以詩借水北樓依

韻答之

一雨浹旬居苦索湖上春來少游跡擬約吟朋恣  
幽賞几上燈花卜連夕魏塘詩人數黃九一水盈  
盈數程隔竭來放棹西湖游脫卻朝衫狎泉石新  
柳春嬌蘇小家落梅香冷林逋宅奚童負囊日往  
來會見家家圖笠屐尋幽選勝澹忘歸自是烟霞  
有深癖臨湖樓子低不扁特爲君來拂吟席入座  
伊少屠脩伯皆素交差喜樓中無俗客興酣百盞醉不  
辭笑指湖波深幾尺

招同人飲湖上

我亦踈慵愛閉關只餘遊興未全刪朋來不惜頻  
沽酒春去猶然戀看山放眼高荷低柳外置身逸

借閒生詩卷三

六

客定僧閒期君快踐西湖約破費澆花半日閒

論印六絕句卽題張受之金堂論印圖後

茗華小印漢宮春堯母門開賜號新底事文人工

傳會倉琅啄矢爾何人

龔定庵得漢玉印文曰綈好妾趙趙字帶鳥篆形遂以爲飛燕物余曰屬之鈎七不較

足重耶

釣臺百尺峙嶙峋避諱誰知姓失真不信將須狂

老子署名翻自冒稱臣

嚴鐵橋藏漢兩面銅印一曰莊生之印一曰臣光

摳衣會拜寓山祠四負堂前俯碧池此印持歸公

故里忠魂應有式憑時

余得祁忠惠公水晶名印以歸山陰鄒雪舫

坵南坵北種琅玕自署漁師把釣竿載酒江湖無

定跡緘書憑汝報平安

余有田黃石一枚文曰竹坨平安

絕藝吾鄉顧

山與丁敬身

近惟天水有前型年來常示

維摩疾載酒人稀問字亭

謂趙次閑

清儀閣裏收藏富舊譜王姜詎足論小阮而今工仿

古籀斯篆法瓣香存

乙未秋仲任水北樓黃霽青太守來遊西冷

寓寶石山莊以春日水北樓卽事十絕句書篋

見贈率爾奉和

無多佳日易蹉跎不作清遊柰爾何況是雨奇晴

好景一般都在眼前過

柳邊望見客停車正想登臨興有餘城角催人歸

去後挑鐙閒校自鈔書

借閒生詩卷三

五

一峯雲合一峯開乍雨還晴補作去

梅探桂不辭

泥滑澆微風一路送香來

是日同遊西溪古桂作花正繁樹大雨抱蓋數百年物也

西湖鷗夢悵迷離夏閨偏逢暑退遲山色向人低

髻笑笑儂不到又多時

社燕將歸感百端花時遲汝拂雕闌匆匆又向西

風別也自銷魂不忍看

痛飲連宵甕盡傾曉來倚檻看雲生白衣蒼狗無

窮幻心與湖波一樣平

塔身積似客披裘雲影湖光上下流拌把著書功

破了買舟閒向兩山遊

暢好溪山擬卜鄰陳蓮泉石最情親白鷗一對前

飛導認得年時結夏人

謂碩甫

聞拓閒園五畝牆可如馴鹿舊山莊壚頭酒熟擎

舟過紅是桃花綠是桑

露青新構小竹林紅雨綠雲其樓名也

叢書堆裏足生涯客至村醪野店賒醉後羨君能作楷楷摩老眼未生花

詩社久闕仲秋二十四日招同人集水北樓漫

成二律以當息壤

草堂結社一星終多少悲歡此集中卧榻看山輸

賤子騷壇樹幟仗羣公杯盤隨分休拘例詩卷娛

情底要工惆悵仲文偏示疾杜門三徑長蒿蓬

謂葛窗

因閒習嬾竟無詩喜值秋清雨霽時坐擁湖光忍

借閒生詩卷三

三

孤負久疎朋從劇相思近來酒量都從減

書翁頌翁病後節飲

余亦守止酒之約

中歲情懷已不支可惜涪翁歸棹速未教

摩壘鬪偏師

謂霽青

題陳秋穀

丙綬畫溪漁隱圖

畫船烟浦碧連天譜出新聲付管絃未必風情減

白石賞音可有石湖仙

我亦耽裁側豔詞西湖唱徧冶春時中年漸已疎

音律不是相逢秀阿師

和書農先生游菽光韻

森然萬竹翳天光尋到丹池水一方老輩愛游神

矍鑠新詩脫手格清蒼山中雨過青浮動烟外濤

雲樵將伯生黃齋  
青同遊題名石上

### 湖上雜詠

微風落日拓疎櫺畫舫笙歌對岸停  
搖曳野鷗莊野鷗莊錢丈叔美所居

移家小住畫圖中排日看花興不窮  
畢竟清遊天也妙今年不雨便多風

曙星未沒曉烟浮古寺鐘聲破夢幽  
我比棲禽還早起青山睡醒尚蒙頭

白蘇遺澤至今存殘照荒祠晝閉門  
賸有湖心一坏土漁人指點阮公墩

### 借閒生詩卷三

三

明湖十里綠平鋪對面南屏塔影孤  
惆悵酒人零落盡生憎林鳥喚提壺

前年諸秋士錢蕙窗劇飲湖樓今雨君皆下世矣

叢書堆裏是生涯午睡初醒日已斜  
燕子未歸簾半捲閨人戲賭捉楊花

湖光雨後淨於揩艇子新成製絕佳  
雙槳劃波輕似燕遊人爭說小秦淮

錢小謝新製小舟頗精

樓陰月子一灣高烟裏青山淡欲消  
生怕明朝晴不穩閒行已過段家橋

模餉雲樹隱樓臺鎮日濃陰撥不開  
向晚東風催雨急漁舟幾點破烟來

書長攤飯且閒眠鑪篆飄殘一縷烟  
欲去尋詩還

嬾動落花風裏數歸船

孟夏上澣買舟由禾中至新市往反浹旬得

詩三首

出郭不數里遠屏塵市闐挂帆過臨平多謝好風  
送柔桑雨後肥一片綠無縫林鳥喜迎人夾岸發  
幽吟俄頃帆腳轉風姨故播弄光景足流連不使  
行倥傯呼僮買村醪獨飲不辭痛微醺跂脚眠溪  
山落清夢

三塔撐青空鈴語茶禪寺中懷忽振觸淒惻感予  
季客秋此行役一病竟不治池塘草青青遲汝入  
夢寐高堂健無恙汝婦已得嗣牛眠協吉卜行舉  
窳窳事此皆汝所戀聞之慰夙志鴛湖湖水清照  
我淚盈昔

出港復入港沿緣溯清溪清溪水一灣輒坐青琉  
璃人家住兩岸當門蘆簾低早夜亟蠶事候已三  
眠齊前村葉價貴典質罄簪笄賣絲輸上忙篋中  
無寸縑九秋霜風厲婦子愁悽悽吁嗟城中人綺  
紈賤如泥

口占

負罪雖終身心力亦云瘁問我何所歸西湖滿空  
翠

借閒生詩卷三

借閒生詞

錢塘汪遠孫久也

法曲獻仙音

樊榭先生木主舊附祀武林門外黃文節公祠戊子正月二十一日同人移奉西溪文蘆菴先生墓故在西溪也譜白石調絕之並用原韻

烟渺南湖草迷東野欲安吟魂何處先生自南湖移居東城路

逐溪迴寺依雲任騷壇舊日樽俎歎大雅淪亡久

輕鷗自來去漫相顧薦寒泉萬梅花裏天女伴

隨手散空飛舞先生姬人朱月上木主亦附祀焉定月下徜徉記前游

微笑心許窈窕幽棲悅披尋集內妙句待荒阡澆

酒莫又清明時雨

疎影

題湯雨生參戎畫梅樓圖雨生名點份與淑配董雙湖夫人並工畫梅

借閒生詞

神仙伴侶自玉京竝竝清致如許鐵篴吹殘庭院

黃昏相攜月下延佇中年何遜還依舊忘不了春

風情緒只愛他暈雪圍冰屬付藐姑休妒分擅

生花妙筆者番正睡起如點眉嫵影寫橫斜不管

輕寒漫啟玲瓏簾戶冷香滿幅苔痕淺便引出翠

禽三五待恁時乞畫吳綃挂向小屏深處

百字令

馬雲伯重脩曝書亭詞以落之用竹垞老人原韻

圖書萬卷恨長風吹散絮飄萍泊昔日歸耕烟雨

裏生計漁竿常託垞北編籬池南種樹贏得田園

樂等身著述浮詞都已刊落俯仰未斷風流三

楹屋矮意匠勞斟酌載酒人來堪小憩依舊青山

如幙弔古鷗邊問春燕外好個閒邱壑先生在  
上題詩休沈亭角

菩薩蠻

李西齋屬題其亡女小影

歸帆悔煞遲三日彩雲散去真飄忽猶記出門時  
牽衣愁別離燈前開牋篋忍看新臨帖昨夢挽  
耶須今宵來也無

百字令

己丑三月二十五日吳子律教授喪還海昌莫送不及兩窗兀坐譜此二闕卽用教授和彭羨門長歌韻悲從中來歌以當哭繁音促節都不能成聲也

先生長往聽薤歌江畔肝腸摧碎斗米折腰渾不  
屑笑殺酸寒孟尉落拓襟懷蕭蕭閒意趣獨醒人皆  
醉此生行樂尚平之願初遂最憶交訂忘年燈

借閒生詞

二

前酒後容我狂言肆善病維摩還健飯慙愧元章  
斫鱸賦別兼旬到官五日風雨愁新鬼天邊遼鶴  
蘧廬甚處安睡

松濤亂捲痛知音已矣牙琴槌碎拌泛扁舟蓬海  
去去訪丹陽仙尉坐上苔生題邊竹裂生怕今宵  
醉驢壇淒寂飲中仙失焦遂因甚屢召脩文

張丈

仲雅屠君琴塢皆先下世

天胡作劇欲問成都肆還記故人情獨

重寄我桐江乾鱸縵水詞名凌雲賦筆高唱秋墳  
鬼夢魂來也北窗柰不成睡

西湖月

題孫華海姑大月湖琴舫圖

一九月挂林梢正玉宇涵秋滿湖澄碧放舟何處

琉璃晃漾浸衣疑溼瑤琴還細撫把舊曲重翻情  
脈脈便引得沙際眠鷗驚醒夢涼蕭瑟從教棹  
入西泠認畫裏空明廣寒宮側此中幽趣姮娥以  
外斷無人識清商知幾弄定悟到無絃心更寂呼  
童起問夜何其露華飛白

百字令

題孫卻庵姑丈小鑿翠軒圖

法華山畔認一灣冷翠此中堪老肯放閒雲輕出  
岫拌把浮名拋了水合三分竹須萬个穩卧茅廬  
小林芳陸嗜占來清致多少況是先隱風流烟  
霞成癖高躅追園皓爲問蘆花開也未白雪漫空  
誰埽博士生涯幽人俊味結伴隨魚鳥儻然相訪

借閒生詞

三

春瓶便擬傾倒

琵琶仙

題趙衛士曰佩悼儂篇後

生小無猜背人處軟語紅闌干角銀漢偏隔層霄  
填橋少靈鵲緘密恨千回百折甫成了舊時盟約  
浪捲桃花香清荔子長共憂樂柰旋見悲逐歡  
生歎寫韻樓空頓蕭索誰把許多泡影賺東陽腰  
削原說是忘情最好何苦教又被情縛轉怪新月  
無心慣臨妝閣

洞仙歌

題徐星溪協戎春波洗硯圖

軍門晝靜愛臨池清課緩帶輕裘鎮閒坐怕麝煤  
經宿洗趁斜陽微凹處噴起墨雲成朵  
粼粼春

水皺鵝眼偷窺失隊游魚手邊過滌罷又揮豪鐵

畫銀鉤想援臂千鈞力大更底用名教侍兒題笑烏

石山頭胭脂苔澹

嚴州烏石寺有岳武穆張魏公劉安成雷題劉云侍兒真奉命題記姜石帚詩云劉郎可是

疎文墨幾點胭脂澹綠苔

淒涼犯 題陳二山窺百空房對月圖

黃昏院宇微雲斂孤輪挂上檐角記曾共賞湘簾

不下翠尊雙酌清光似昨柰元九悲懷悄覺怪牀

頭無端照徧展轉睡難著 偏我愁重疊倒了銀

河此愁難濯乍圓又缺便姮娥也將愁縛獨倚闌

干漫贏得吟肩瘦削這心情只有冷雁會領畧

時再賦悼七

借閒生詞

清平樂

題昔面美人便面

慳慳意緒徙倚花陰暮背後小名誰喚汝不採雕

籠鸚鵡 時新髻子低垂斜攜團扇慵揮縱使回

頭未肯也應認得崔徽

聲聲慢

六月十五夜章次白黼張仲甫應昌西湖泛月舟中聽松光上人彈琴分韻得涼字

連番雨過幾片雲皺都疑秋意橫塘淨拭玻璃冰

鏡飛到中央煩襟便教洗盡笑浮生終比鷗忙移

小艇向三潭容與聊寄疎狂 欸乃聲聲去也泊

藕花香裏酒醒衣涼絃語無心一闋譜出清商招邀  
水仙何處觸舊愁歌嘯蒼茫曲未罷早棲雅曉近  
綠楊

浣溪沙

題吳虛白疑溪樓延月圖次卷中周釋圭韻樓爲樓榭先生納月上姬人處

天女維摩事偶然藍田種玉暖生烟鮑家樓子碧  
湖前風定疎簾香篆細月明小閣笛聲圓一場  
綺夢逝如川

可是珊珊佩響遲傷心十二首新詩書堂行跡黯  
相思岸柳有情憐瘦影溪花無意鬪芳姿伊曾  
親見定情時

遠近山低鎖黛痕落花香裏閉衡門紅襟燕子戀  
斜曛除是文人能好色從來詞客易銷魂言愁  
況值欲愁人

雪獅兒

范吾山玉琨所畜獅貓已將子矣譜此乞之

借閒生詞

五

腐儒生計生憎鼠黠牙籤誰護聞說狸奴將子花  
陰深處紅榆辨取媿卻欠浯翁佳句早料理溪魚  
柳貫吳鹽甌貯想到蘭閨低語笑愛偏難割美  
尖親撫汁汁聲輕繞膝離愁分訴倘然惠許便萬  
貫從今休數兒歡舞眼底金銀爭賭

行香子

答馮柳東早春見懷之作

梅意林家柳色蘇家占西湖多少韶華段家橋畔  
小住爲佳有一牀書一壺酒一瓶花相見情賒相  
別愁賒鎮相思風雨天涯新詞寄我綺語如霞料  
拂烏絲拈斑管拍紅牙

水龍吟

江珧柱

蠻風十里吹腥隨潮去又隨潮住仙姿紺體郡分  
浮碧頭銜新署拋網連江提籃入市雨昏烟曙笑  
東坡饒殺河豚荔子論風味還輸汝分付廚孃  
擘取認纖纖月痕斜吐甲纔半卸丁爭先識冰肌  
應妒香點椒勻味同酒釀臨海水土異物志玉珧似蚌其殼中柱味似酒旬停犀  
箸想霓裳舞罷如簧乍弄把春愁訴事物紺珠江珧柱一名楊妃舌

催雪 和夢窗韻

風冷偏尖雲凍欲墮悄覺簾櫳似水早鑪歌茶烟  
雙鬟慵起雁訊天涯來也問可見瑤妃搖仙佩尋  
詩何處灞橋嬾去蠹窗深閉詞麗釀綠蟻尚埽  
徑願虛銷凝庭砌怕稍緩些時便攬春意望斷梅

借問生詞

六

花帳底夢吹落飛英香盈被閒殺了吟絮清才暗  
搵相思珠淚

金縷曲 題戴銅士銘金西湖訪秋圖

一碧空明裏望遙天雙峯雲樹六橋烟水楓葉未  
霜蘆已雪做得秋光如此正騷客扁舟乍艤這段  
閒情何處著倚吟篷笑向南屏指聽一杵梵鐘起  
儂家別有悲秋意惱西風幾番吹鬢幾分憔悴  
生小湖邊來往慣鷗鷺都成知己到今日情懷何  
似秋上心頭無計遣算鳴蛩差識愁滋味堪與訴  
只君耳

前調 題張春水清夢影庵畫冊後

直任饑驅早笑先生半生湖海鬢絲催老回首卅  
年前舊事幾幅新翻畫藁竟若此窮愁枯槁栩栩  
莊周同證夢更營營影謝柴桑吊面目光性情肖  
墓門手種松楸繞柰茅堂漂搖風雨底傷懷抱  
驚座高談眠市飲此日疎狂減了還認取天涯鴻爪  
第四橋邊歸棹穩漲春江南浦填雙調問蹤跡白  
鷗導

眼兒媚

鬢髮盤雲臉凝霞初見扇羅遮千金密意眉頭眼  
底畧露些些無端張角將人誤一念悔先差分明  
記得油窗花戶指點西家

借開生詞

七

薌澤微聞鬢髮密坐傍窗紗鳳釵卸了重勻素  
面羞整鈿花相逢便有相思懺魂夢又天涯憑  
誰說與近來消瘦多半因他

瑤華慢

花有玉環者詞以寫之

菱花滴粉梳子含香喜丰姿相鬪鉛華洗盡還認  
是砌下瑤簪纔溜蝤蛸嬌婀娜更一笑低籠羅袖弄  
幽芳故背春開怕共苑梅寒透前生小字重呼  
看倩影亭亭深夜來又嬌柔帶雨扶起似新浴華  
清池後玉容寂寞問舊恨可能忘否但只愁離別  
經年夢裏素肌消瘦

望湘人

題洪稗畦先生填詞圖

正沈吟抱膝兀坐撚髭傳神阿堵如現棗核纖豪  
蕉紋小硯譜出新詞黃絹舊事疎狂閒身落拓愁  
深愁淺賴竹絲陶寫幽情悄把紅兒低喚 商畧  
宮移羽換聽珠喉乍囀翠樽檀板怕秋雨梧桐滴  
盡玉簫清怨靈均一去旗亭淒斷只賸湘流嗚咽  
怎知道林月溪花舊日詩才尤擅 林月前後入溪花冬  
夏開裊畦句也樊榭

嘗亟  
稱之

### 百字令

題顧西樵追摹蒙泉外史遺照

冬花豔冷自鐵翁仙去湖山淒寂記得垂髫曾識  
面細認傳神妙筆胸有千秋日無餘子空憶情豪  
逸平生坎坷傷心奇士多尼 從此一瓣香沈僧寮

### 借問生詞

八

聽雨俯仰都陳迹

余讀書湖上古招賢寺寺有蒙  
泉先生嘗寓居寺中故以自號

紙上烟雲

吹不散尺幅珍逾球璧

壁間應先生所畫蒙泉聽雨  
圖余屬省初上人重裝藏之

半盞

村醪幾枝秋菊供養添蕭瑟吟魂來否定應招向

寒碧

### 八聲甘州

庚寅秋仲薄游當湖奉訪芷衫先生聽彈琵琶  
譜以贈之

正弄珠樓畔十分秋逍遙盪扁舟喜幽人居近苔  
痕巷陌竹影簾鉤得句高吟忘倦驚起卧沙鷗相  
見何嫌晚一晌句畱 為我鷗絃試撥似天風夜  
半驟發還收聽楚歌四面官作等閒愁數從來英  
雄兒女放胸懷千古去悠悠更曲罷焚香煮茗人  
自風流

齊天樂

南湖花鳥樓圖

夕陽紅到垂楊處依稀一重簾影鏡檻香銷酒壚  
塵網換了西風門徑花晨月暝只水面輕漚舊游  
能省見說年時納涼池畔綠荷淨閒愁都付畫  
苑賸蕭疎幾筆鴻爪尋更古木鴉唬荒階蛩訴做  
得詩情淒冷聲聲喚醒恁紅粉青衫例隨蓬梗說  
也無憀把杯拌酌

簇水

調

萬秋生慶曾橫橋吟館圖用龔衛圖憶橫河紅葉

曲水雙橋小樓連夕吟春雨畫船閒了盡繫著垂  
楊青縷戶掩苔如茸軟好襯殘紅舞筍觶蹴迸出  
籬去數朝暮倡和有眉山伯仲共翦燭聯牀住

借閒生詞

九

謂許氏  
昆仲臨花判酒占勝地蹤常聚不減玉山堂裏傳唱  
多新句今相憶歲歲江南路

菩薩蠻

題孫楫菴先生遺照

南園草綠柴門掩木棉花發胭脂染禾鷓一聲聲  
半陰還半晴杖藜山下去閒看雲生處衣袂振  
翩翩此身真欲仙

朱花寫春

芭蕉一夜新陰展起來自把湘簾捲正要題詩  
綠雲吹滿池茶烟縈縷縷赤日忘亭午涼氣撲  
生衣筆驚風雨飛

綠天清課

石門寒吹琮瑤響高山流水凝遐想天上正飛鴻  
聲聲風入松倦來閒枕石篆認苔花碧一路抱

琴還夕陽山外山

卧瀑安絃

飛雲歷亂歸鴉誤嶺梅菜綻應相妒款段做貂裘  
前邊沽酒樓 蒼茫雲墮影點點斜還整詩向灞  
橋尋吟情深未深 飛雲款騎

百尺樓

題六橋草堂圖

烟雨冷芙蓉寂寞孤山路尚寶當年賦遂初結个  
茅廬住 珍重草堂圖先蹟畱餘慕別蘇斜陽讀  
舊碑魂又歸何處

聲聲慢

鷓鴣黃李

鑄金丸重封蠟衣輕平分桮上朝烟浸水偏沈跳  
珠亂落晶盤探懷帔畱溪絹漫裹來顆顆勻圓笑  
借閒生詞

十

投與向檀郎低說不似梅酸 記得深宵偷貯乍  
玉纖掐破沁齒漿寒濺著衫兒還同杏子爭鮮誰  
攜漢中新釀恰淺深相映樽前風味好勝房陵三  
十六園

玉漏遲

題孫嫺卿夫人停琴佇月寫照

纖雲吹盡也圓蟾欲吐光生林罅自解囊琴分付  
畫簾休下怪底冰絃帶澀定涼露前宵沾惹清景  
乍紅蓮池沼翠梧庭榭 怕是小小流螢慣照近  
蚊慵晚妝初卸篆字香紫逗起秋心無那一自廣  
寒侶散久閒卻金徽慵寫珠淚瀉憶著舊時清夜

夫人諸姊皆多才早世

瑣窗寒

春寒和碧山韻

嫩柳冰膠疎梅雪綴餘寒未盡朝眠嬾起不管鴨  
鑪香燼誤鈿車佳游幾番踏青屨指芳期近正圖  
成九九輕綃勻染賸脂猶凝清景分明省記寂  
寞深閨半敲病枕殘妝未整夢裏乍疑還信又黃  
昏微雨燕歸妒他翠尾雙倩影幾分春更幾分寒  
并作去十平分恨余曾繪寒  
閨病趣圖

菩薩蠻

杜鵑無賴催春去游絲好意牽春住春住總成愁  
隨他春去休匆匆春已去誰料愁仍住強起理  
殘妝眉長愁更長

湘江靜

鮒魚

借閒生詞

十一

熟了枇杷紅了槿正江鄉販鮮船趁腥風鼓沫澄  
波集網應時來偏準入市價爭高謀一平箸萬錢  
都盡冰盤乍薦霜刀斫初看鱗細綠逾嫩快朵  
頭傾美醞對甘肥老饕難忍加恩記取珍曹稱否  
喜頭銜新領戲簇蝶兒雙同織蛤低黏雲鬢還教  
藉口南豐笑殺詩才太窘

祝英臺近

劍秋從祖以詞索羅浮蝶蘭贈以二枚倚此  
勝之

綺羅天金粉地風致獨推汝莫是麻姑裙角尚雷  
住恰憐繭裏紅蠶葉黏烏相問寂寂夢魂何許  
快先覩幾時柳岸春深幻影又雙舞記伴瓊仙官

閣詠風絮劍秋夫人會侍其尊人宦粵休教暎粉枝頭尋香花底怕  
驀地羅浮歸去

玉漏遲

題鎮海姚野橋樊詞卷用草窗題夢窗詞集韻

俊才何太少霜腴罷唱吹簫人杳不料逢君重見  
風流襟抱付與金荃豔筆看夢裏江花圍繞休自  
笑浮名誤盡消磨年少年時我亦清狂記幾處  
亭臺幾回歌嘯彈折冰絃同調半歸衰草謂吳子律李西齋  
寂寞心情甚處只怨著曉春林鳥幽思悄殘編短

檠孤照

時輯近人詞

醉太平

題姚野橋探梅圖

昨宵月高今朝雪消隔溪疎影誰描逗春風樹梢

借閒生詞

十二

芒屨布袍詩囊酒瓢幾灣路轉迢迢更尋香過  
橋

暗香

景福泉方伯謙招飲梅花下倚白石調二闋奉東

一庭春色更底須翠袖尊前吹笛鳳蠟搖紅寫影  
橫窗訝堪摘描取明妃玉貌費多少騷人詞筆總  
不似曲榭風光邀致共吟席傾國怕岑寂想解  
珮乍逢滿階苔積老蟾暗泣風雨明朝定相憶應  
憶孤山雪霽曾幾度尋芳空碧任側帽驢背上醉  
吟得得

疎影

連叢碎玉賸古苔點點雙鶴猶宿曲折清池迤邐

長廊回環左右脩竹依稀玉照堂前路更占張  
南周北坐中爽泉芝階與方伯居相近羨廣平老擅才華賦筆千秋推  
獨自笑襟懷落拓酒酣未忍去傾盡杯緣第一  
耽花買得湖邊小小三椽茅屋橫斜欲種愁無地  
漫拍徧江城新曲算偶然棹入西溪展看仲圭殘  
幅

賣花聲

觀劇齋梅花謝矣劍秋從祖以詞索和譜此答之

種傍碧琅玕苔石斑斑春來長是住湖山硯匣薰  
鑪畱伴我偏捨伊難縞袂怯憑欄直恁春寒更  
無雙鶴守柴關惱殺連宵風雨惡多分闌珊

玉樓春

燈下讀蘅夢詞有感因次其韻

借閒生詞

十三

棗花簾子丁香院料也慵簪釵上燕除非身化作  
鶯兒飛近妝臺與伊見芳樽不舉琴空薦贏得  
枯腸淒欲斷東風故意觸人愁吹落碧桃千萬片

清平樂

清明過了尚自春寒峭六扇紋窗關了鳥關住閒  
愁多少浪拋如綺年華玉人憔悴天涯問訊風  
前雙燕可曾飛到伊家

一翦梅

明金壓繡踏青鞋簇燕釵斜簇蝶裙斜衣香人影  
互周遮樓上窗紗船上窗紗臨風暗自惜年華  
信斷天涯夢斷天涯春來事事總堪嗟命薄楊花

命短桃花

清平樂

題陳芝擘桐生鳳城仙夢圖和頻伽韻

鳳城春好碧樹花環照天白雞鳴山下道惆悵紫  
簫聲杳 詩情酒膽須豪蠻天萬里迢遙定有秋  
江歸夢月明夜半聽潮

酷相思

一段閒情無著處聽雙燕呢喃語問前度折花人  
在否花瘦也風和雨人瘦也風和雨 溼了踏青  
湖上路渾不管鈿車誤悵如水年華愁裏度卻待  
要畱春住卻又怕畱春住

柳梢青

借問生詞

六

曙色窗櫺尚餘宿燼未殺殘燈鶻勸人歸鶯畱人  
住一樣心情 驚回好夢分明漫倚枕春醒乍醒  
攏袖嫌寒添衣憎暖真費調停

摸魚兒

怨東風晚來偏緊裙腰一道低護梨花雪盡醅釀  
雪亂落碧桃如雨惆悵處喚蘇小魂歸醉酒西冷  
路差池燕羽趁雲母窗開水精簾捲下上蹴花舞  
江郎賦恨別感殘眉嫵閒情偷寄魚素天涯誰  
把春牢繫憑仗柳絲千縷愁日莫待飛到前山苦  
勸嗁鶻住光陰逆旅好鴛被濃熏鴨鑪淺熱夢裏  
更尋去

醉太平

題劍秋從祖花句圖

春光一年春風一肩蘇隄裏外誰邊已飄飄欲仙  
春陽笠圓春泥屐穿牆頭紅杏秋千覓花閒墜

鈿

金縷曲

題吳仲耘閒雲圖

射策登金馬望天邊祥占五色文章聲價霖雨早  
酬蒼生願想見歡臚岱野柰贏得離懷難寫回首  
之江千里隔夢魂兒夜夜縈親舍歸未得淚盈把  
家山收入鶯溪畫倪移情嵐光翠滴泉聲珠  
瀉富貴豈君胸中物不問行藏用舍縱出岫亦何  
心也我是癡雲飛不起賸閒身日伴漁樵話願君

借閒生詞

五

住結吟社

百字令

題方丹輔蒲團小照

此中插脚問何人盡洗紅塵千斛大抵虛名皆我  
累況乃周妻何肉掣雷年光浮漚身世一笑思量熟  
蒲團坐穩前生疑是金粟君也不禮空王不持  
波律不續傳燈錄是色是空都莫問依舊本來面  
目鑪篆消時欄花放後妙悟隨機觸從君問道結  
鄰自喜會卜

水龍吟

題李樵李

嘉名肇記麟經仙根閱盡興亡恨畱從劫火嫁從  
臘月繁星初竇沁齒漿多探懷核細紫衣黃襯數

房陵朱仲園三十六論聲價應都遜 丁字溪頭  
居近較徐園味尤加俊故人情重筠籠分餉一緘  
芳訊認取纖痕開元蠟樣牡丹粉印惹愁鬟睨視  
阿誰掐透笑僂人問

前調 笑餅

曉涼擘向窗前蚌胎乍認勻圓顆量珠論斗調鉛  
成汞翠甌平活火鍊玉匳凝截肪刀膩媽紅點破  
更蔗霜微糝冰盤盛取算菱角安排妥 采采斜  
陽一舸慣兒童蓮歌遙和水村風物食單新製供  
來酒座記取加邊劉郎此日題詩膽大聽閨娃悄  
怨蔥纖隔夜尚蜂黃沁

借開生詞

七

鳳凰臺上憶吹簫

題黃韻珊憲清帝女傳奇後

瓊樹花殘寶輪月缺故宮遺事淒涼記粉侯初選  
兵火倉皇那更情牽羅綺拌永伴繡佛閒房  
天恩厚釵聯鏡合重叶鸞凰 雕梁西風換了便  
燕子飛來也感滄桑況深秋人病蓋篋衣香一霎  
曇華墮影應憔悴綠鬢潘郎愁中寫新詞一編江夏  
無雙

八歸 餞秋

偎花蝶瘦黏苔螢冷惆悵送卻秋去登臨別有銷  
凝意還值敗蘆飄雪碎蕉敲雨已道秋人腸欲斷  
況又是天涯羈旅恨不倩萬疊青山遮斷夕陽路

慣惱悲秋宋玉秋今歸矣可柰愁偏畱住一聲  
城角一聲鄰笛訴出離情無數鎮倚闌望久石畔  
微吟庾郎句明朝起煖鑪酣飲分擘朋箋銷磨閒  
意緒

洞仙歌

題宋秋田晴窗展帖圖

秋陰連日算今朝晴準一片梧桐打窗緊展韭花  
垂露竹葉懸鍼細認取押角連環小印 才名紅  
杏擅輕拂苔箋玉枕蘭亭仿真本几硯古香多金  
石編成料不減靜治平風韻到深夜杯茶覆懷中  
還笑指屏間睡貌香燼

江城梅花引

題湯雨生填詞圖

借間生詞

七

香凝畫戟靜無譁早休衙暮休衙君是前身玉茗  
老詞家酒到深時愁不淺翦紅燭拂烏絲倚碧紗  
碧紗碧紗曲屏遮月又斜漏又賒譜也譜也譜  
就了遂裏梅花好與偷聲減字喚雙了自撫焦桐  
彈一曲嫌指澀問今宵較冷些

疎影

題方雲泉疎影盒填詞圖

疎簾影動正小庭潑水鋤月新種剔盡銀燈數盡  
銅籤硯冰幾稜微凍虧他筆底春消息細譜出瑤  
華三弄付雪兒摩笛低吹喚醒翠禽幽夢 應憶  
孤山路畔矮亭鶴去了清絕誰共等到明朝艇子  
衝烟一路寒香吹送吳儂綺債都刪卻笑賸得山

肩雙聳待與君醉酒花前醉把老梅深擁

買陂塘 題豆棚閒話

傍吾廬一棚柔蔓田家風景如畫蟬聲纔歇蟲聲起又早夕陽西下閒可借一任爾科頭跣足真瀟灑招邀里社正入市初回酬神乍散村店酒須賈談今古嬉笑還兼怒罵隨人悲喜驚詫柴桑村裏依稀是此樂世無知者今夕話待一卷編成新語齊東野鄰更亂打看月影頻移攜兒歸去涼露滿襟惹

揚州慢

題周澹巖泰邗江春泛圖用白石老仙韻

雉堞連雲燕檣如薺畫圖十里行程更垂楊夾岸

借閒生詞

六

映草色青青滄當日通溝霸蹟珠犀荷畝粉黛嫺兵贖一灣春水參差常繞江城繁華過眼縱無心魚鳥猶驚況歌舞臺空文章社歇俯仰深情明月二分無恙隨波漾欸乃聲聲怕曲終人杳閒愁還共潮生

點絳脣 題曹柳橋伯甸蘆灘放鴨圖

水暖將雛被人驚起飛還墮一闌烟鎖也學天隨可聽汝呼名閒向蘆灘坐漁船過憇娃無那笑脫紅裙裏

齊天樂

題關寅伯時自鋤明月種梅花小照

暗香夢繞西溪路天寒倦尋游屐半畝園寬一拳

石瘦卻稱幽人標格銀蟾影白便鴉觜親攜滿襟涼溼  
鬪破蒼苔一株先補石欄隙前身脩到自  
喜喜春風近也笑共誰索東閣閒吟西園俊賞銷  
得無雙詞筆窗紗淺隔更吹墮瓊瑤點伊妝額翠  
羽唬殘畫樓閒弄篴

高陽臺

題關引庵繪畫閣夜吟圖

虬箭聲沈羊鐙焰小花梢月上遲遲手摩蠻牋詩  
成子細微吟喚起籠鸚睡料閒情慧性應知最撩  
人翠被香篝薰暖多時蘭闥更有神仙侶羨  
雙拈斑管賭韻分題詠絮清才檀郎也自頭低同  
心譜出鴛鴦曲待明朝寫付紅兒煞風流如此春  
宵銷得情癡

借閒生詞

七

八聲甘州

許壬年沒於敵煌詞以哭之凶問至時孤山梅  
花正開回憶舊游彌覺黯然矣

正霏霏香雪滿孤山戴酒事春游陡西風惡耗樓  
臺依黯梅鶴都愁髮髯吟魂歸也還認舊沙鷗一  
曲橫河水嗚咽東流問訊窮邊宦況算篋中惟  
有詩卷長畱悵瓜州月冷一別竟千秋恁清才蒼  
天慣妒只雷封百里便教休年來是聽山陽笛淚  
灑西州

西子妝

春盡日薄游湖上

疎雨畫船殘陽壞塔不定陰晴天氣飛花飛絮恁  
無情漫揉得春光粉碎蘋波十里只一碧可憐如此

喚提壺更聲聲低勸忍教不醉 春歸矣如駛流  
光欲款渾無計雙雙蝶子暗尋香還認有湘褰拂  
地闌干自倚撲不盡滿襟疎翠正銷凝一杵鐘聲  
又起

買陂塘

章次白屬題西溪梅花山莊圖西齋買陂塘一闕  
琴鳴和之頻伽子律亦各有詞今諸君皆下世矣追  
憶舊遊不勝零落之感 和 西齋韻時乙未春  
分日也

繫扁舟萬梅花裏竹深容我相就西湖熟了西溪  
僻問爾與誰爲友雲滿牖喜屋小如蝸恰稱詩人  
瘦狂吟倦後儘打疊閒愁銷除豪氣付與一杯酒  
披圖久細讀新詞幾首故人試數存否年時秋  
雪庵前路解后漁童樵叟還憶舊算郭李屠吳都  
借閒生詞 二

是曾攜手重來五畝認苔徑依然白鷗指點門外

卧髮桺

摸魚兒

劍秋從祖有湖上看月之約倚此堅之卽次其春  
游晚歸原韻

暮烟凝段家橋畔桺枝蘸水痕淺兩湖春色都閒  
卻又早畫船分散吟也倦看低掠蘋波紫燕雙飛  
倩玉蟾弄晚記前日眉彎昨宵弦直漸漸鏡奩滿  
挑鐙裏悵望重城隔遠漁歌遙起前岸幾時快  
踐同游約詩思酒懷撩亂休更緩忍如此清光只  
讓農家占新聲倚徧想人靜高樓松風響答紙上  
墨花濺

清平樂

題心壺從祖母寒燈憶子圖

優曇花小一瞥音塵杳賺得阿孃愁不了怪底聰  
明太早 矇矓夢欠分明呶唔疑是書聲又被吟  
蛩喚醒風風雨雨殘燈

借閒生詞

五

借閒生詞



03822

